


**ЎЗБЕКИСТОН РЕСПУБЛИКАСИ  
ҚИШЛОҚ ВА СУВ ХЎЖАЛИГИ ВАЗИРЛИГИ**

**ЎЗБЕКИСТОН ҚИШЛОҚ ХЎЖАЛИГИ ИЛМИЙ  
ИШЛАБ-ЧИҚАРИШ МАРКАЗИ**

**АКАДЕМИК МАХМУД МИРЗАЕВ НОМЛИ  
БОҒДОРЧИЛИК, УЗУМЧИЛИК ВА ВИНОЧИЛИК  
ИЛМИЙ-ТАДҚИҚОТ ИНСТИТУТИ**



**ФАРГОНА ВИЛОЯТИ ШАРОИТИДА  
БОҒ ВА ТОКЗОРЛАРДАН МҮЛ-КУЛ  
ҲОСИЛ ОЛИШДА АМАЛГА ОШИРИЛАДИГАН  
АГРОТЕХНИК ТАДБИРЛАР БЎЙИЧА  
ТАВСИЯЛАР**

**ТОШКЕНТ – 2015**

ЎЗБЕКИСТОН РЕСПУБЛИКАСИ  
ҚИШЛОҚ ВА СУВ ХҮЖАЛИГИ ВАЗИРЛИГИ

ЎЗБЕКИСТОН ҚИШЛОҚ ХҮЖАЛИГИ ИЛМИЙ  
ИШЛАБ-ЧИҚАРИШ МАРКАЗИ

АКАДЕМИК МАХМУД МИРЗАЕВ НОМЛИ  
БОҒДОРЧИЛИК, УЗУМЧИЛИК ВА ВИНОЧИЛИК  
ИЛМИЙ-ТАДҚИҚОТ ИНСТИТУТИ

“ТАСДИҚЛАЙМАН”  
Ўзбекистон Қишлоқ хўжалиги илмий-  
ишлаб чиқариш маркази Баш директори  
\_\_\_\_\_ **Б.А. Сулаймонов**

**ФАРГОНА ВИЛОЯТИ ШАРОИТИДА  
БОҒ ВА ТОКЗОРЛАРДАН МЎЛ-КЎЛ  
ҲОСИЛ ОЛИШДА АМАЛГА ОШИРИЛАДИГАН  
АГРОТЕХНИК ТАДБИРЛАР БЎЙИЧА  
ТАВСИЯЛАР**

ТОШКЕНТ – 2015

Ушбу тавсиялар Фарғона вилояти тупроқ-икълим шароитлари барпо қилинаётган ҳамда етиширилаётган мева ва узум навларининг биологик хусусиятларини инобатга олган ҳолда сув ҳамда ресурслардан самарали фойдаланишни таъминловчи боғ ва узумзорларни парваришлашда ўтказиладиган агротехник тадбирлар мажмуасини ўз ичига олади.

Тавсияда эрта баҳорда тупроққа ишлов бериш, ерни экишга тайёрлаш, ўсув даврида сув ва ресурстежовчи технологияларни қўллаш, касаллик ва зааркунандаларга қарши кураш ҳамда ҳосилини йиғиб-териб олишгача бўлган агротехник тадбирлар ва мева-узум маҳсулотларини куз-қиши мавсумида саклаш бўйича тўлиқ маълмуотлар келтирилган.

Тавсиянома Академик Махмуд Мирзаев номли боғдорчилик, узумчилик ва виночилик илмий-тадқиқот институти олимлари томонидан тайёрланган ҳамда 2015 йил 16 сентябрдаги Илмий кенгашининг 10-сонли йиғилишида тасдиқланган бўлиб, мутахассислар, фермер хўжалиги раҳбарлари ва кенг ўқувчилар оммаси учун мўлжаланган.

**Муаллифлар:** Сулаймонов Б.А., Холиков Б.М., Саимназаров Ю.Б., Файзиев Ж.Н., Абдуллаев Р.М., Арипов А.А., Набиев Ў.Я., Акрамов У.И. ҳамда илмий ходимлар.

**Тақризчи:**

**Фахуритдинов Н.З.** – Тошкент давлат аграр университети Мевачилик, сабзавотчилик ва узумчилик кафедраси доценти

**Ер дехқонни боқади, дехқон эса элни боқади, деган ҳикмат ҳамиша диққатимиз марказида туриши, қишлоқ хўжалиги соҳасидаги фаолиятимиз мезонига айланиши даркор.**

**Ислом КАРИМОВ**

## **Кириш**

**Хозирги кунда ер юзида яшаётган 7,5 миллиард аҳолидан 1,1 миллиарди сув тақчиллигида кун кечирмоқда. Россия Фанлар Академиясига қарашли Сув муаммолари илмий-тадқиқот институти маълумотига кўра 2025 йилга бориб, сув тақчиллигида яшаётган аҳолининг сони 3 миллиаррдан ортиши кутилиб, бу дунё аҳолисининг 40 фоизини ташкил этади.**

Республикамизда қишлоқ хўжалигининг барча соҳаларини, шу жумладан мевачилик ва узумчиликни жадал ривожлантириш, тупроқ унумдорлигини кўтариш, мева ва узум ҳосилдорлигини ошириш, маҳсулот сифатини яхшилаш ҳамда уларни мавсумдан ташқари даврда сақлаш ҳалқимизни мева ва узум маҳсулотларига бўлган талабини тўла қондиришига қаратилиши зарур.

Мамлакатимиздаги фермер хўжаликларида умумий мевали экинлар боғ майдонлари – 163078 га (Фарғона вилоятида – 38491 га), шу жумладан интенсив боғлар – 23753 га (Фарғона вилоятида – 1047 га) ҳамда умумий токзорлар майдони – 86068 га (Фарғона вилоятида – 1478 га), шу жумладан ҳосил берадиган токзорлар – 79330 га (Фарғона вилоятида – 1188 га) ни ташкил қилди.

Республика бўйича 2014 йили мева ишлаб чиқариш 2444,1 минг тонна, узум ишлаб чиқариш 1403,9 минг тонна ташкил этди. Агарда ушбу маҳсулотларни аҳоли жон бошига тақсимлайдиган бўлсак, ҳар бир киши бошига мева 78,8 кг, узум 45,3 кг ни ташкил қиласди.

Боғдорчиликка ва узумчиликка ихтисослашган фермер хўжаликларини мамлакатимизда мева ва узум маҳсулотларига бўлган эътиборини янада кучайтириб, уларнинг ҳосилдорлигини ошириш, маҳсулот сифатини кўтариш ҳамда мева ва узум маҳсулотини сақлаш ва уларни чет мамлакатларга экспорт қилиш имкониятлари яратилади.

Боғбон фермерлар зиммасига мева ва узумни етиштиришда унинг ҳосилдорлигини кескин кўтариш, маҳсулот сифатини яхшилаш ва аҳолини ҳамда қайта ишлаш саноатини хом-ашё билан тўлиқ таъминлаб, юқори сифатли маҳсулотни четга чиқариш юклатилади.

Боғдорчилик ва узумчиликни юқори поғонага кўтаришда фермерларимиз фан ютуқлари ва тавсия этилган технологияларни ўз вақтида ва юқори агротехника даражасида амалга оширишлари зарурдир.

Тупроқ-иқлим шароитларини қулайлиги мева турлари ва ажойиб навларининг мавжудлиги, улардан юқори, мўл ва сифатли ҳосил олиш имкониятини беради. Яъни, об-ҳаво ўзига хос ўзгарувчан келаётган шароитда

**мева ва узумдан мўл ва сифатли ҳосил етиштиришда агротехник тадбирларни ўз вақтида маромига етказиб бажариш, мавжуд ресурслар, минерал ва маҳаллий ўғитлар ҳамда сугориш сувидан унумли фойдаланишни боғбон фермерларимиз яхши тушунадилар.**

Боғ ва токлардан мўл ҳосил олишда зарур бўлган агротехник тадбирларни ўз вақтида юқори даражада бажарилиши қуйидаги тавсияномада баён этилган.

Фарғона вилояти тупроқ-иқлим шароити ва шунингдек дәхқончилик маданиятини турличалиги билан ҳарактерланади. Тупроғи кўп йиллардан бўён сугориб дәхқончилик қилинадиган бўз тупроқлардир. Ер ости сизот сувлари яқин жойлашган қисмида ўтлоқ ва ўтлоқ ботқоқли тупроқлидир. Бу тупроқлар шўрланмаган, шу билан бирга улар унумдордир. Сизот сувлари 7-8 м чуқурликда жойлашган.

Фарғона вилоятида октябр ойининг 15-20 санасида куз фаслининг биринчи совуғи тушади, баҳор фаслининг сўнги совуғи март ойининг учинчи ўн кунлигига тўғри келади. Иссиксевар ўсимликларнинг ўсув даври давомийлиги 205-210 кун, сутканинг ўртacha ҳарорати йигиндиси  $3870^{\circ}\text{Сни}$  ташкил этади, йил мобайнида ёғин миқдори эса 300-380 мм.

Совуқсиз кунларнинг давомийлиги, самарали ҳароратининг етарлиги, қуруқ ва иссиқ ёз фаслида ёғингарчиликни деярли бўлмаслиги сунъий сугоришни мавжудлиги, ўсув даври давомийлиги қандай бўлишидан қатъий назар қишлоқ хўжалик экинлари етиширишга имкон яратади.

**Тавсияда Фарғона вилояти тупроқ-иқлим шароитидаги боғ ва токзорларда йил давомида ўтказиладиган асосий агротехник тадбирлар белгиланган бўлиб, ўз муддатида амалга оширилса, мўл ҳосил олишга замин яратилади.**

## Я н в а р ь

**Б оғ л а р д а.** Ҳаво ҳарорати  $5^{\circ}\text{C}$  дан юқори бўлганда, уруғли мева дараҳтлари – олма, нок ва беҳиларнинг синган шоҳ-шаббалардан, нобуд бўлган пўстлоқлардан ва зааркунандалар заҳираларидан тозалаш ишларини олиб бориши.

Дараҳтларга ёқкан қорларни силкитиш (ёқкан қор шоҳларни синдириласлик учун).

Илиқ ҳаво ҳароратида уруғли мева дараҳтларига шакл бериш, буташ, сийраклаштириш ишлари давом эттирилади. Қуриган дараҳтлар олиб ташланади.

Гўнг, минерал ўғит ҳамда зааркунанда ва касалликларга қарши химоя воситаларини ғамлаш ҳамда иложи борича боғ қатор орасига органик ўғитларни солиши. Бунда:

- паст бўйли пайвандтагга уланган олмазорга гектарига 60-80 тонна;
- ўрта ўсувчи пайвандтагга уланган олмазорга гектарига 50-60 тонна;
- кучли ўсувчи олмазорга гектарига 30-40 тонна гўнг солинади;
- уруғли ва данакли боғларда дараҳтларнинг туп таглари тупроғи ағдариб юмшатилади, тўкилган барглар ва бегона ўтлар йўқ этилади;
- боғларда дараҳтларнинг ҳолати текширилади ва улар хисобга (инвентаризация) олинади.

Шакл бериш, буташ ва қирқишиш ишлари дараҳтлар уйқудалигига – хазонрезги охиридан то ўсув даври бошлангунча – куртак ёзгунга қадар ўтказилади, совуқ тушгидай бўлса ( $-5-10^{\circ}\text{C}$  ҳароратда), бу ишлар тўхтатилади.

Совуқка чидамсиз бўлган данаклилар: ўриқ, гилос, шафтоли, олхўри, олча, тоғ олча ва субтропик ўсимликлардан хурмо дараҳтлари баҳорга яқин,

февралнинг иккинчи ярми, март ойи бошидан шакл бериш, буташ ишлари олиб борилади.



Мевали дараҳтларни ҳар йили буташдан асосий мақсад:

1. Дараҳт шоҳларини бир текис жойлаштириб, шоҳ-шабба учун мустаҳкам скелетни шакллантириш.

2. Дараҳтларни эрта ҳосилга кириши учун шароит яратиш.

3. Шоҳ-шаббанинг барча қисмини бир текис яхши ёритилишини таъминлаш.

4. Дараҳтлар ҳаётининг бутун даврларида уларнинг ўсиши ва ҳосил бериши ўртасидаги физиологик мувозанатни бошқарib туриш.

5. Дараҳтларнинг ҳосилдорлиги ва жойлаштириш схемасига мувофиқ ҳолда уларнинг шоҳ-шаббаси ўлчамини чеклаб туриш.

6. Дараҳтларнинг ёшини инобатга олган ҳолда уларнинг ҳар бир тур ва навидан юқори сифатли мўл ҳосил олишга эришиш.

Боғбон ва соҳибкор мутахассисларни ўқитиш, уларнинг малакасини ошириш, асбоб-ускуналарни тайёрлаш.

Суғориш шахобчалари, зовур ва коллекторларни тозалаш.

Мавжуд боғ-токзорларда ишлайдиган қишлоқ хўжалик машиналари, агрегатларини, транспорт воситаларини таъмирлаш ва тайёрлаш.

Боғларда яҳоб суви бериш, бунда 1 гектарга 1500-2000 м<sup>3</sup> микдорда суғорилади.

**Т о к з о р л а р д а.** Токзорларда таъмирлаш ишлари: устунларни тўғрилаш, симларни тортиш, гектарига 30-40 тонна майдонга гўнг олиб чиқиб солиш. Яҳоб суви билан суғориш 1200-1500 м<sup>3</sup>/га ҳамда шўр ерларда шўрини ювиш. Зовур ва коллекторларни ҳамда суғориш шахобчаларини тозалаш.

## Ф е в р а л ь

**Б оғ л а р д а.** Январь ойида мўлжалланган ишлар давом этади. Боғларнинг санитар ҳолатини яхшилашга қаратилган тадбирлар ўтказилади. Касалликлар заҳираларига қарши 3%ли бордо суюқлиги билан ишлов бериш, дараҳтларнинг тана ва она шоҳлари оқланади.

Мева дараҳтларидан ҳар йили муттасил мўл ҳосил олишга қаратилган

агротехник тадбирлар комплексида дараҳтларга түғри шакл бериш, буташ мұхим аҳамиятта эга.

Юқоридаги тадбирлар ҳаво ҳарорати 5-6°C дан юқори бўлганда бажарилади.

Олма, нок, беҳи, ўрик, гилос ва олхўри дараҳтларининг қўпчилик навларига шакл беришнинг олдиндан қабул қилинган технологияси асосида сийрак-ярусли шаклда бажарилади. Сийрак-ярусли тизим бўйича тўлиқ шакллантирилган мева дараҳти биринчи тартибдаги 5-6 та шохидан новдадан иборат бўлади. Биринчи тартибдаги она шохларини шакллантириш билан бир вақтда иккинчи ва учинчи тартибдаги шохлар ҳам шакллантирилади. Иккинчи тартибдаги биринчи шох биринчи тартибли шохда яратилиб, унинг асосидан 30-40 см узоқликда бўлиши керак, иккинчи шох биринчисидан 25-30 см оралатиб шакллантирилади. Учинчи тартиб шохлари ҳам шу тариқа шакллантирилади. Иккинчи ва учинчи тартибнинг скелет шохлари ён томондан ўсган бўлиши керак. Пастки оналиқ шохларда иккинчи тартибнинг икки-уч, қолганларида бир-икки новда қолдирилади. Иккинчи тартиб шохларида учинчи тартибнинг бир-икки новдаси қолдирилади. Кучли ўсган ён шохларни кесиб, ярим скелет шохларга айлантирилади. Скелет ва ярим скелет шохлар ўртасида ўсган ён куртакларни кесиб ёки эгиб, ҳосил шохларига айлантирилади.



Шох-шаббага шакл беришда етакчи шох билан шох-шабба ўртасидаги боғликларни сақлаб қолишига аҳамият бериш зарур, яъни марказий шох доимо биринчи тартибдаги шохчалардан 20-25 см узунроқ бўлиши, биринчи тартибдаги шохчалар ҳам ўз навбатида иккинчи тартибдагилардан шунчага узунроқ бўлиши керак. Асосий шох ёнида ўсуви рақиб шохлар кесиб ташланади. Агар рақиб шох асосий шоҳдан кучлироқ ва яхшироқ йўналган бўлса, рақиб шох қолдирилиб, асосий шох кесиб ташланади ёки эгиб қўйилади. Шох-шаббаси тор пирамидал шаклдаги Голден Делишес, Розмарин, Пармен зимний золотой каби навларни шох-шаббасини кенгайтириш учун биринчи тартибдаги асосий шохлар иккинчи тартибдаги ташқи ён шохлар устига ўтказилади ва ўсиш бурчагини калталаштириш мақсадида пастга эгиб қўйилади.

Шох-шаббаси ёйик Ренет Симиренко, Ред Делишес, Айдаред ва Первенец Самарқанда олма навларининг биринчи тартибдаги шохларини иккинчи тартибнинг юқорига қараб йўналган шохлари устига ўтказилади. Шох-шаббанинг асосий шохларига шакл берилгандан сўнг марказий етакчи тана  $45^{\circ}$  бурчак остида якка ўсган ён шох баландлигига кесилади. Натижада дараҳтнинг бўйи пастлашади ва шох-шабба ички қисмининг яхшироқ ёритилиши учун шароит яратилади.


Шу мақсадда биринчи тартибдаги тик ўсган шохлар иккинчи тартибнинг ташқи ён шохлари устига ўтказилади. Мева дараҳтлари шох-шаббасини дастлабки беш-етти йил давомида шакллантириш лозим. Уларни дараҳтларнинг тур ва нав хусусиятларини инобатга олган холда буташ керак.

**Олманинг** – ҳосилга кира бошлиған дараҳтларини 6-15 ёшгача шох-шаббаси сийраклаштирилади: бир-бирига халақит берадиган ва шох-шаббани қоронғилаштирадиган барча новдалар олиб ташланади. Суст новда чиқарадиган, асосан ҳалқасимон (кольчатка) ва мураккаб ҳалқасимон-ҳосилли шохларда мева тугадиган Пармен зимний золотой, Нафис, Первенец Самарканда, Делишес, Стар Крымсон, Айдаред каби навларда барча тартибдаги скелет шохлардан ўсиб чиқкан бир йиллик шохларни қисқартириш давом эттирилади.


Кучли шохланадиган Ренет Симиренко, Кинг Девид, Джонаред, Боровинка Ташкентская, Вайнсеп, Золотое Грайма, Мехмони ва Регистани каби олма навларда фақат узун 60 смдан кўпроқ ўсган шохлар қисқартирилади. Шохлар меъёрида ўсганда (40-45 см), улар қисқартирилмайди. Шохларнинг йиллик ўсиши 15-20 смгача камайганда, уларнинг бўйини 35-40 см атрофида сақлаб туриш мақсадида бу шохлар қисқартирилади. Ён томондан ўсиб чиқкан шохларни эгиб ёки қисқартириб, улардан мева шохлари ҳосил қилинади.



Дараҳт тўлиқ мевага кирган даврда навларига қараб 8-15 ёшгача ўтказиладиган буташлар уларнинг бўйи ва ҳосилдорлигини сақлаб қолишга қаратилади. Бу вактда дараҳтлар ёш давридагига нисбатан камроқ буталади, фақат майда, шох-шаббани, қоронғилаштирувчи шохлар ва бачки шохлар олиб ташланади, алоҳида ўсган ва янги ташкил топган узун шохлар қисқартирилиб, мева шохларига айлантирилади. Анча катта шохлар бир-бирига ўзаро боғлик холда кесилади.




Агар скелет шохлар учининг ўсиши ҳосилнинг хаддан ташқари кўплиги ёки агротехниканинг ёмонлиги туфайли 15-20 см гача қисқарса, ўсишни кучайтириш мақсадида 2-3 йиллик шохлари кесилади, чеканка қилиб қисқартирилади, кейинги йилларда ўсиб чиқсан заиф шохлар олиб ташланади. Бундай тадбир мева берадиган дараҳтларда шохларнинг меъёрида ўсиши учун вақти-вақти билан ўтказиб турилади. Бу даврда ён шохлар, шунингдек ерга осилиб тушган, касал ва синган шохлар кесиб ташланади.



Скелет шохлар учининг ўсуви анча заифлашиб, 10-15 см бўлиб қолса, ён томонга ўсган шохлар яхши ўсиши учун тахминан беш-олти йиллик шохлари қисқартирилади. Мураккаб ҳалқасимон шохлар ва мева шохлар, уларнинг ҳолатига кўра, учдан бир қисмига ёки ярмига қисқартирилади.

Бачки шохлар ярим скелет шохларни алмаштириш ёки уларни мева шохларига айлантириш мақсадида шакллантирилади, ортиқчалари олиб ташланади, жароҳатланган жой атрофидаги бачки шохлар вақтинча қолдирилади.

Ҳосил мўл бўлиши кутилаётган йилларда буташ йўли билан ўтган мавсумда шаклланган гул куртаклари сонини камайтириш мақсадида ва келгуси йил ҳосил заминини яратиш учун агротехник тадбирларини ўз вақтида ва сифатли ўтказиб, янги куртакларни шакллантириш зарур.





Кам ҳосил йилларда камроқ буташ йўли билан илгари шакллантирилган гул куртакларини сақлаб қолиш керак. Кузда эса аксинча кучли бутаб ёки баҳорда сийраклаштириш йўли билан келгуси йил ҳосили учун шакллантирилган гул куртаклари сонини қисқартириш зарур.

**Н о к** – ҳам олма сингари буталади. Кам шохланадиган, бироқ бир йиллик новдалари кучли ўсан ва халқасимон шохчалари кўп бўлган навларда асосий шохлардаги новдалар, уларнинг қисқа узунлигига қараб, ярмига ёки учдан бир қисмига қисқартирилади. Кучли шохланадиган навларда ва мева берадиган дараҳтларда асосан шох-шабба бутилиб сийраклаштирилади. Агар ҳосилнинг хаддан ташқари мўл бўлиши ёки бошқа сабабларга кўра дараҳтларнинг ўсиши сусайса, ўтган йилларда кучли ўсан икки-уч йиллик шохларгача қисқартирилади.

**Б е ҳ и** – ҳам олма каби сийраклаштирилган ярусли система бўйича шакллантирилади. Асосий шохларни шакллантиришда уларнинг бир-бирига ўзаро боғлиқлигига катъий риоя қилиш, ўсиб чиқиши бурчагининг кенгрок бўлишига эришиш зарур. Асосий шохларнинг рақиблари, шох-шабба ичига кириб қолган, ўткир бурчак остида ўсан ва асосий шохни шакллантириш учун керак бўлмаган шохлар олиб ташланади. Асосий шохдаги бошқа новдалар қолдирилиб, улар ўсуви шохчаларга айлантирилади. Бунинг учун улар дастлабки уч йил мобайнида 3-4 куртакка қисқартирилади, яъни дараҳтлар мева тузишига тайёрланади.

Тўртинчи йилдан бошлаб, дараҳтлар мева қила бошлагандан кейин ўсуви шохлардаги новдалар, дараҳтларнинг биологик хусусиятларига кўра, турлича кесилади.




Беҳининг барча навлари мураккаб ҳалқасимон шохларда мева тугади. Кучли новдаларда ўсан мураккаб ҳалқасимон куртакларнинг бир қисми мева куртакларига айланади. Улар фақат юқорида ўсан қучли новдаларда ҳосил бўлади. Агар ўсув шохлардаги мевали куртак новдалар қисқа қилиб кесилса, тўртинчи йили шох-шаббанинг ўсув шохчаларидағи новдаларнинг бир қисми қисқартирилмайди, бир қисми эса уч-тўрт куртакка кесилади ҳосил кўпайиб кетиб, оғирлик қилмаслиги ва мева бериш даврийлигини бузмаслик мақсадида шундай қилинади. Бу ҳолда кўп қисқартирилган, новдаларда келгуси йил ҳосил берадиган соғлом ёш новдалар ўсиб чиқади, қисқартирилмаган новдалар эса шу йили ҳосил беради. Келгуси йили шох-шаббанинг бўш қисми томонига қараб ўсан шохчалар буталмайди, улар кейинчалик ҳам ҳосил беради, бир-бирига халақит берадиган шохчалар мураккаб ҳалқасимон шохнинг бири устида қисқартирилади.

Дараҳтлар тўла ҳосилга киргандан сўнг шохларнинг ўсиши кескин сусаяди ва мева туғиши мураккаб ҳалқасимон қисқа шохчаларга ўтади. Ҳосилнинг хаддан ташқари кўпайиб кетиши ва шох-шаббанинг қалинлашиб кетишига йўл қўймаслик учун ортиқча ўсиб кетган шохлар бутаб ташланади.

Шохлар суст ўса бошлаганида охирги шохлар 25 см дан қисқароқ бўлганда, дараҳтларни ёшартириш мақсадида улар уч-тўрт йилда бир марта икки-уч йиллик шохларигача, кейинчалик эса беш-олти йиллик шохлари ҳам буталади.

Дараҳтларни бутаб, шакл берилгандан кейин ҳаво ҳарорати 5-6°C дан юқори бўлганда, дараҳтлар куртак чиқармасдан олдин қалқондорлар, шира битлари, каналар ва бошқа қишлоғчи ҳашоратлар заҳираларига қарши №30 препаратининг 5% лиси билан пуркалади. 1 гектар ҳосилли боғга 1500 л ишчи суюқлиги сарфланади.



Уруғ мевали дарахтлар куртак чиқармасдан олдин парша (қўтири) касаллиги, (моннилиал куйиш) – монилиозга қарши 3% Бордо суюқлиги ёки 5 градусли ООҚ билан жиққа хўллаб ювилади, 10-12 кундан кейин пуркаш ишлари такрорланади

Тўкилган барглар, мева тугунчалари, заарланган мевалар қолдиги ва дарахт танаси тагидан чиққан бегона ўтлар колдиклари касаллик юқумлари ва заракунандаларни қишлоғчи заҳираларга қарши дарахтлар атрофини 20-30 см чуқурликда ағдариб чопилади.



Данакли мева (ўрик, шафтоли, гилос) боғларида монилиоз, клястероспориоз, гоммоз ва барг бужмалоклигига қарши 5% ООҚ ёки 3% ли Бордо ёки 1% ли мисс купороси ёки 2-3% темир купороси билан эрта баҳорда, куртаклар бўртиш арафасида ишлов берилади.



Тайёрланган Бордо суюқлиги 2-3 соат ичида ишлатилиши зарур.

Боғларга маҳаллий ўғитлар – 20-30 т/га солиш мақсадга мувофиқдир. Боғ қатор ораларини борона қилиш, янги боғ экиш учун ерларни тайёрлаш ва режалаш керак. Хатоси бор боғларнинг ораларини кўчатлар билан тўлдириш.

**Т о к з о р л а р д а.** Вояга етган токзорларда симбағаз ва ишкомлар ўрнатиш, эскиларини таъмирлаш зарур.

Шу билан бирга сугориш иншоотларини тозалаш, минерал ўғитлар ва кимёвий препаратларни олиб келиш, боғдорчиликга оид маҳсус техника ва механизмларни таъмирлаш ишларини якунлаш ҳам зарур.

## М а р т

**Б оғларда.** Бу ойда февралда бошланган шакл бериш, буташ ишлари давом этади ва иложи борича қисқа муддатларда тугатилиши зарур бўлади, айниқса данаклиларда. Данакли меваларнинг турлари бўйича навбатма-навбат ўтказилади.

**Ў р и к** – дастлабки йилларда катта ўсиш кучига эга бўлганлиги учун, олти-етти ёшгача бўйига ўсган шохларда ҳосил куртаклари бўлади, бу даврда уларда ён шохчалар суст ўсади. Бундай шохларни уларда ён шохчалар яхшироқ ўсиб чиқиши учун учдан бир қисмiga ёки ярмига қисқартириш зарур. Марказий шохларнинг учини ёзда чилпиш, май-июнь ойларида пинцировка қилиш усули ҳам қўлланилади. Кейинги буташлар навбатдаги тартибда ўсган ортиқча шохларни олиб ташлаш ва шохларни бироз қисқартиришдан иборат бўлади. 20-25 ёшли ўрик дараҳтларида ўсиш жараёни қисқариб ҳосилдорлик пасайиб кетади. Бу даврда дараҳтлар икки-тўрт йиллик шохига бутаб ташланади. Қаридан қолган ёки ўсиши сусайган дараҳтларни беш-етти йиллиги бутаб ёшартирилади. Шағал қатлами юза булган ерларда ўрикни 10-12 ёшдаёқ бир оз ёшартириш керак, 17-20 ёшда эса соялатувчи асосий шохлар ва қалин ўсган новдаларни олиб ташлаб, беш олти ёшлик шохигача буташ зарур. 30-35 ёшли дараҳтлар етти-саккиз йиллик шохигача кесиб ёшартирилади. Кучли ва унумдор тупроқлардаги ўрик дараҳтлар ҳам шу муддатда ёшартирилади. Шохшаббани бутагандан сўнг ўсиб чиққан шохлар келгуси йил баҳорида сийраклаштирилади. Бунда фақат шох-шаббага шакл бериш учун зарур бўлган шохлар қолдирилади.



**О л х ў р и** нинг кўпчилик навларида мева тугиши органлари қисқа мева шохчалари-пихсимон шохчалардан иборат бўлиб, улар икки ва кўп йиллик шохларда жойлашган бўлади. Баъзи бир навларда бир йиллик шохчаларда ҳосил бўлиши кузатилади. Ёш олхўри дараҳтининг шох-шаббасига шакл беришда шохларнинг пастки қисми яланғочланиб қолмаслиги учун шохлар сийраклаштирилади ва қисқартирилади. Шох-шаббаси тик ўсган, кучли шохланадиган навларда биринчи тартибдаги асосий шохлар қисқартирилиб, иккинчи тартибдаги ён шохлар баландлигига кесилади. Бу шох-шаббанинг ёйилиб ўсишига имкон беради. Шох-шаббаси ёйик дараҳтлар, агар шохлари

суст ўсса, сийраклаштирилади. Шохлар фақат уларнинг ўсишини тартибга солиб туриши учун қисқартирилади. Олхўрининг бўйига ўсишини, бошқа мевали дараҳтлардаги каби, чеклаб туриш зарур.

Дараҳтлар мева бера бошлагандан кейин шохлар факат шох-шаббага ёруғлик яхшироқ бўлиши учун бутаб турилади. Барча ҳолларда ҳам биринчи навбатда касалланган, қуриб қолган ва бир-бирига тегиб шикастланадиган шохлар олиб ташлашди.

Узун 50-60 см ўсан ва эгилиб қолган шохлар қисқартирилади. Шохларнинг ўсуви 15-20 смгача камайганида ёшартириш мақсадида асосий шохлар икки-уч йиллик шохигача қисқартирилади. Ўсов жуда ҳам камайиб кетганда дараҳтлар янада кўпроқ буталади.

**Г и л о с** – кучли ўсиши ва кам шохланиши билан фарқ қиласи, Наполеон Розовый, Валерий Чкалов, Воловье сердце, Ревершон, Баҳор ва Дрогана желтая навларида кучли ўсан шохларнинг пастки қисмида куртаклар кам ривожланади. Куртаклар уйғонишини ва асосий шохларда ёш шохчаларни ўсиб чиқишини кучайтириш мақсадида асосий шохлар қисқартирилади. Бундай буташ усули дараҳтлар ёш чоғида ва ҳосилга кира бошлаганда шох-шаббага шакл бериш учун қўлланилади.

Ёш дараҳтлардаги узунлиги 40-45 см ли новдаларини чилпиш ҳам яхши натижа беради ёки узун новдаларни эгиб, ярус ҳосил қилинса, ундан куртаклар чиқа бошлайди. Шохларни қисқартириш ва чилпиш шох-шаббани ихчам қиласи, шохларда ўсов новдаларини кўпайиши ва даста шохларнинг ўсишига ёрдам беради.



Яхши шохланадиган Валерий Чкалов ва Баҳор каби навларда факат узун (50-60 см) новдалар қисқартирилади.

Гилос шох-шаббасини шакллантиришда дараҳтларнинг бўйига ва ён томонга ўсиши чекланиб турилади. Агар гилос новдалари суст ўсса, шохлар икки-уч йиллик шохигача қисқартирилади. Дараҳт қарий бошлаганда шох-шаббасини кўпроқ буташ йўли билан ёшартирилади.

**О л ч а** – бошқа турдаги дараҳтларга нисбатан кам буталади. Фақат жуда зарур бўлганда қалинлашиб кетган шох-шаббалар, синган, қуриган ва қарий

бошлаган шохлари олиб ташланади. Олча қарыб, ўсиши сусайган (10 см гача) ёки ҳосили камайиб кетган даврда дараҳт ҳолатига қараб, уч-беш йиллик шохигача кесиб ёшартирилади, тик ўсадиган навлар кўпроқ, шохлари ёйилиб, косасимон ўсадиганлари камроқ кесилади.

**Ш а ф т о л и** – экилган йили уч-бешта она шохдан шох-шабба ҳосил қилиб косасимон шакл берилади. Шафтолининг кучли, баланд ўсадиган навларини шох-шаббаси тўрт-олти она шохдан иборат ўзгарган – лидерли система бўйича ҳам шакл бериш мумкин.

Биринчи шох 35-40 см баландликда, қолганлари бир-биридан 15-20 см масофада бўлиши керак. Тўртинчи йили етакчи новда (лидер) – кесиб ташланади. Шафтоли дастлабки йилларда тез ўсади, кўп шох чиқаради ва тезда мева бера бошлайди. Мевалар бир йиллик шохларда ҳосил бўлади. Шафтоли буталмаса шох-шаббаси қалинлашиб, ички қисмидаги шохларнинг барги тўкилиб кетади, мевалар фақат ташқи шохларда ҳосил бўлади. Дастребки бир-икки йил давомида бир йиллик новдалар қисқартириб турилади ва шох-шабба сийраклаштирилади. Асосий шохларнинг учидан ўсиб чиқсан, узунлиги 50-60 см ва ундан узун новдалар учдан бир қисмига ёки ярмига, калтароқлари эса чорак қисмига қисқартирилади. Ҳосилга киргандан сунг шох-шаббаси сийраклаштириб турилади, синган, қуриган ва соялатувчи шохлар ҳамда заиф новдалар олиб ташланади, бу ишни жуда пухта бажариш талаб этилади. Бу вақтда кучли ўсган шохлардан ён шохчалар ҳосил қилиш учун улар қисқартирилади.



Асосий шохлардаги мева шохчалари, заиф ва шох-шаббани соялаштирувчи шохлар ҳалқасимон қилиб кесилади, бунда кучли ўсган шохлар бир-биридан 10-15 см оралиқда қолдирилади. Буташ вақтида мева куртаклари ҳосил бўладиган жойларни назарда тутиш керак. Мева куртаклари шохнинг пастки қисмида ҳосил бўладиган навларда унинг асосига яқин ўсган шохлар кўпроқ кесилади, куртаклар шох учидан ҳосил бўладиганларида камроқ кесилади. Шохларнинг узун ўсиб кетиши ва эгилиб колишига йўл қўймаслик мақсадида уларни бир бирининг ўрнини босиш усулида кесилади, яъни ҳосил бериб бўлган шохлар пастроқда жойлашган, мева куртаклари етарлича миқдорда

бўлган шохлар баландлигигача кесилади, мева берадиган шохлар эса уларда учтўртта кўзча қолдириб қисқа кесилади. Шафтоли қариганда ёки совуқ урганда бутаб ёшартирилади. Бунда икки-уч йиллик новдага кучлироқ совуқ урганда ёки қарип қолганда катта ёшдаги шохлар, соғлом кисмигача кесилади. Шакл бериб бўлингандан сўнг касаллик ва зааркунандаларга қарши ишлов берилади.

Боғ қатор ораларини ҳайдаш, суғориш учун эгатларини олиш, дарахт тагларини агдариб чопиши ишлари давом этади.

Баҳорги қора совуқлардан мевали дарахтларни асраш мақсадида боғнинг ҳар бир гектар майдонига тутатиш учун гўнг, хашак ва хазон аралашмасини йиғиб қўйиш( уюмлар сони 150-200 та бўлади) ҳам мақсадга мувофиқдир.

Катта ёшдаги дарахтларни ёшартириш, бошқа турдаги ёки навдаги дарахтларни қайта улаш – исказа пайванд қилиш ишлари ҳам бажарилади.

Боғларни гуллаш даврида яхши чангланиши учун асалари уяларини ўрнатиш зарур.

Дарахтлар гуллаб бўлгач бордо суюқлигининг 1% лиги билан (100 литр сувга 1 кг мис купороси ва шунча сўнмаган оҳак) пуркаш керак. Чуқур таъсир этувчи фунгицидлар яхши самара беради. Шунинг учун кўкламда гулдан чиккач Топсин-М (1 л/га) препаратини 0,1% ли қилиб сепиш самаралидир. Байлетон (0,2-0,3 л/га), Фоликур (0,25 л/га), Вектра (0,3 л/га) препаратларидан ҳам фойдаланиш мумкин.

**Янги бофлар** барпо этиш жараёнида экиш учун майдонни режалаш ва тайёрлаш, экилгандан сунг, кўчатларни суғориш учун эгатларни олиш, ёш нихоллар танасини оклаш .

Боғ атрофини ихоталаштириш, яъни шамоллардан ҳимоялаш мақсадида терак, уриқ, жийда ёки ёнгок , акация каби дарахтларни экиш ишлари ҳам бажарилади.

Кузда экилган боғларни назорат қилиш.

Экилган кўчатларга шакл бериш, боғ қатор ораларини ҳайдаш, дарахт тагларини чопиши, минерал ўғитлар солиш каби парвариш ишлари утказилади.

**Токзорд а.** Март ойининг иккинчи ярмида ток кўчатларини очиб, симбағазларга кутариб боғлаш. Қолдирилган узун навдаларни парҳама (пархеш) қилиб, ораларини тўлдириш. Маҳаллий гўнг ва минерал (N-60 кг/га, K-30 кг/га) ўғитларни солиш. Қатор ва туп ораларини ҳайдаб, юмшатиш каби ишлар бажарилади. Лалми токзорларни суғориш ҳам мақсадга мувофиқдир.

## Апрель

**Бофлард а.** Боғ қатор ораларига ишлов бериш, дарахт тагларини юмшатиш ва чопиши, бегона ўт ва ажириклардан тозалаш, суғориш эгатларини олиш.

Боғларни суғориш, шағалли ерларда гектарига  $350-420 \text{ м}^3$ , соз лалми тупроқдарда  $450-500 \text{ м}^3$ . Боғларга минерал ўғитлар солиш N – 60 кг/га, P – 60 кг/га, K – 30 кг/га.

МПВ машиналарида ўғит солиш билан бир вақтда орасида тупроқни уч из бўйлаб ҳар йили юмшатиш керак, чунки бу ҳолда ён юмшатгичлар тупроққа 35-40 см чуқурликка ботади ва илдиз тизимини унча шикастламайди, марказий

юмшатгич эса 55-60 см чуқурликка ботади. Агар иш 55 см чуқурликда уч из бўйлаб юмшатадиган агрегат билан бажариладиган бўлса, бу ҳолда қатор оралатиб юмшатилади.

Ҳосилли мевазорларда 70-80 см узоқликдаги бир қанча эгатлар орқали сугорилади. Эгатларнинг чуқурлиги 22-24 см уларнинг узунлиги 100 м дан 300 м гача, енгил тупроқларда калтароқ, оғир тупроқларда узунроқ бўлади. Сув 24-36 соат давомида тупроқ яхши захлагунча сугорилади. Оғир соз тупроқларда битта суғориш нормаси гектарига  $700\text{-}800 \text{ м}^3$ , тошлоқ тупроқларда  $400\text{-}500 \text{ м}^3$ .

Ҳосилли боғ ва токзорларга агар ўғит март ойида солинмаган бўлса, апрелда солинади. Аммиак селитраси 360 кг ёки аммофос 250 кг, фосфорли ўғитлар 130-180 кг, калийли ўғитлар 200 кг/га, соғ ҳолда эса 60 кг/га.

Боғ ва токзорларнинг ҳосилдорлиги юқори бўлган, шунингдек унумсиз тупроқларда (кумоқ, тошлок) фосфор ва калий меъёрини гектарига 90-120 кг гача ошириш мумкин.

Органик ўғитларни минерал ўғитлар билан қўшиб солиши ва бунда органик минерал аралашмада озиқа моддалари миқдори юқори бўлишини таъминлаш керак.

Уруғли мева боғларига заракунанлардан ғилофли куя, мева куяси, нокшира бургаси, бир қанча шира турлари ва тоғ олди минтақаларида парша, мониалиал куйиш касалликлари ривожлана бошлайди. Бу давр уруғли мева дараҳтларининг куртаклар ёзилиш давридан гуллагунга қадар давом этади.

Заракунандаларга қарши олма ва нокзорларни (агар шу давргача қалкондорларга қарши пуркашлар олиб борилмаган бўлса) 2% ли олеофос эмульсияси билан (100 л сувга № 30 препарати 2 кг + фозалон 0,3 кг) пуркалади. Олеофос тайёрлашга № 30 препарати бўлмаса, ғунчалаш даврида Данитол ёки Фуфанон (100 л сувга 150 г), фозалон ёки карбофосни (100 л сувга 300 г) ҳисобидан қўлласа ҳам бўлади. Парша ва монилиоз касалликларига қарши олма, нок ва беҳи дараҳтлари бордо суюқлигининг 1% лиги (100 л сувга 1 кг мис купороси ва шунча оҳак) билан пуркалади. Пуркаш ниҳоятда сифатли бўлиб дараҳтлар жиққа ҳўл бўлиши зарур. Топсин-М (100 л сувга 150 г) ёки Вектра (100 л сувга 30 г) ёки оҳак олтингутурт қайнатмасининг 1 градуслиги билан пуркалгани маъқул

Ўриқ, шафтоли ва олхўри дараҳтлари гулдан чиқгач клястероспориоз барг бужмалоқлиги, ун шудринги касалликларига қарши бордо суюқлигининг 1%ли (100 л сувга 1 кг мис купороси ва шунча оҳак) билан ёғингарчиликнинг миқдорига қараб, ҳафта ўн кун оралатиб 1-2 марта пуркалади.

**Т о к з о р л а р д а.** Сугориш эгатлари ток тупидан 0,5-0,6 м масофада очилиб иккита сугориш эгати кифоя килади. Токзорларда касалликларнинг олдини олишда шўра ҳомток ўз вақтида ва сифатли ўтказилиши керак. Кул касаллигини олдини олиш мақсадида токзорлар гуллагунга қадар 1-2 марта туйилган олтингутурт билан чанглатилади (1 гектарга 20-25 кг сарфланади). Бу даврда Фоликур ёки Вектрадан 30 г солиниб пуркалса ҳам бўлади.



Апрел ойида боғ ва токзорларда ўтган мавсумда тарқалган девпечак келгуси йили ҳам униб чиқиши мүмкін. Шунинг учун дараҳт ва ток тупи атрофи 25-30 см чуқурликда 1-2 марта ағдариб чопилади.

Токзорларда ток мевахўри заракунандаси тарқалган бўлса, унга қарши Золон препаратининг 0,3% ли эритмаси ишлатилади ёки олма қуртига қарши мўлжалланган препаратлардан фойдаланиш мүмкін.

Оидиум, мильдью ва атрокноз каби касалликларга қарши Бордо суюқлиги ёки ООҚ ишлатилади. Пуркаш муддатлари: биринчиси токларда 2-3 чинбарг пайдо бўлганда ООҚ билан, иккинчиси 10-12 кундан кейин БС 1% эритмаси билан ва 12-15 кундан кейин олтингугурт билан 1 га. 25 кг ёки Фоликур 0,02%, Тиавит 1%, Топаз 0,03% билан дориланади.

Суғорилгандан кейин ток қатор ораларига ва туп атрофида бегона ўтлардан тозалаб, керакли агротехник тадбирларни ўtkазиш лозим.

## М а й

**Б оғ л а р д а.** Май ойида асосий тадбирлар қуйидагича: суғориш, қатор ораларини культивация қилиш, дараҳт танаси ораси ва айланасини юмшатиш, илдиз бачкиларини қирқиб ташлаш. Янги боғларни 1 марта суғориш зарур. Суғоргандан кейин қатор оралари қайта 10-12 см чуқурликда юмшатилади.

Боғда май ойининг иккинчи ярмида ҳосилли боғларда эрта баҳорда етарли микдорда азотли ўғит солинмаган бўлса, у ҳолда 50-60 кг азотли 65-70 кг фосфорли ҳамда 40 кг калийли ўғит солинади. Ўғитлар солингандан сўнг суғорилади.

Ёш боғларда қатор ва туп оралари юмшатилиниб 1-2 марта суғорилади. Суғорилгандан сўнг қатор оралари қайта 10-12 см чуқурликда юмшатилади.

Уруғли мева боғлари заарқунандаларган олма қурти, барг ширалари, нокнинг шира бургаси (медяница) ва тоғ ва тоғ олди минтақаларида калмараз (парша), монилиал қувиш касалликлари ривожлана бошлайдилар.

Апрелнинг учинчи ўн кунлиги ва май ойининг бошларида олма қурти ва нок шира бургасига қарши олма дараҳти гулдан чиқиши билан дарҳол боғларда пуркаш ишларини амалга ошириш зарур. Шу муддатларда ҳосилли олма ва нок боғларида қуйидаги препаратлардан бири қўлланилади : Карбофос ёки бензофсофат (золон) (100 л сувга 200-300 г ҳисобидан).

Данитол препарати – 100 л сувга 100 г ёки Децис ва Суми-алфа 50 г ёки

Карате, Циракс 30-40 г ёки Фуфанон 100 г ёки Талстар 40 г ҳисобидан қўлланилса бўлади. Парша касаллиги кўпайиши хавфи бор жойларда олма ва нок дараҳтларини 1%ли бордо суюқлиги билан пуркалгани маъқул Вектра ёки Топсин-М – 100 л сувга 30-100 г) ёки Сапроль (100 л сувга 100 г) препаратларини ҳам қўлласа бўлади. Беҳизор монилиоз касаллигига қарши 1% бордо суюқлиги билан жиққа хўл бўлганга қадар пуркалиши керак. Вектра ва Топсин препаратлари ҳам самаралидир.

Ўриқ, шафтоли ва олхўри дараҳтлари гулдан чиққач клястероспориоз, барг бужмалоқлиги, ун шудрингги касалликларига қарши бордо суюқлигининг 1%лиги билан ҳафта ўн кун оралатиб 1-2 марта пуркалади.

**Ёш боғларда.** Дараҳт тагларини юмшатиш ва суғориш. Ёш кўчатларга шакл бериш, бачки - томир шоҳларидан тозалаш. Шамол тўсиш учун экилган дараҳтларни суғориш ва бегона ўтлардан тозалаш. Зааркунанда ва касалликларга қарши ишлов бериш.

Ёш боғларда ўсув даври давомида май охири, июнда учинчи барг устидаги ҳали ёғочланмаган новдаларнинг уни чилпиб турилади. Бу тадбир шоҳшаббанинг шаклланишига ва дараҳтнинг тезроқ ҳосилга киришига ёрдам беради. Ёш дараҳтларга бир-икки йил шакл бергандан сўнг уларни кўп буташ тавсия этилмайди, чунки бу ҳолда улар зўр бериб бўйига ўсади.



**Токзорларда.** Токзорларда эса ёш токларни 2 марта суғорилади, қатор ораларини культивация қилиш, қаторлардаги тупроқни юмшатиш керак. Новдалар барча узунлиги бўйича бир текис ривожланиши учун симбағазларга горизонтал ёки сал қия қилиб боғланishi лозим.

Зангар йуғонлашганда боғичлар узилиб кетмаслиги ва новдалар симга ишқаланмаслиги учун улар пишиқ бўлиши керак. Бунинг учун боғич симбағазларга саккиз рақами шаклида боғланади.

Новдалар 50-60 см узунликка етганда биринчи ҳомток ўтказилади, ёш новдалар иккинчи, баъзан учинчи симга боғланади. Кўк новданинг ўсиш кучи ва жойлашишига қараб иккинчи мароатаба учинчи ёки туртинчи симга боғланади.

Токда тўпгуллар пайдо бўлиши билан ҳомток қилинади. Новдада тўпгул ўрнида жингалакларнинг борлиги унинг ҳосил қилмаслигидан далолат беради. Ҳосил қилмаслиги аниқ бўлган новдаларни эрта ҳомток қилиш қўшимча миқдорда новдалар, шу жумладан ҳосил қиладиган новдаларнинг ривожланишига ёрдам беради. Ҳомтокни эрта гуллайдиган навлар ўтказилган майдонлардан бошлиш зарур.

Токнинг кўп йиллик зангларидан ўсиб чиқсан бачки новдалар биринчи навбатда олиб ташланади. Бунда токни шакллантириш ва зангнинг ўрнини босиш учун керак бўладиган новдалар қолдирилади. Агар токда заарланиш

натижасида ёки бошқа сабабларга кўра кам новда ривожланган бўлса ҳам, бачки новдаларнинг бир қисми озиқланиш юзасини ошириш учун қолдирилади

Ҳар бир нав учун тупдаги ҳосилдор ва ҳосил қилмайдиган новдалар нисбати олинадиган ҳосил ва новданинг ўсиш қучини, шунингдек экологик ва агротехник шароитини ҳисобга олган ҳолда белгиланади. Масалан, суғориладиган ерларда етиштириладиган кишмишибоп навларда ҳар иккита ҳосилдор новдага бир-иккига ҳосилсиз новда қолдириш керак. Лалми токзорларда қишиш-баҳор давридаги ёғингарчиликни ҳисобга олган ҳолда ҳомток қилинади. Бир вақтнинг ўзида олинадиган ҳосил миқдори нормаллаштирилади ва ҳар бир ҳосилдор новдага битта ҳосил қилмайдиган новда қолдирилади. Ёғингарчилик кам бўлган йилларда токнинг жуда кучизланиб кетишининг олдини олиш мақсадида тўпгулли новдаларнинг учдан бир қисмини олиб ташлаш каерак.

Ҳосилли токзорларда ҳам фосфорли ва калийли ўғитлар билан озиқлантиришда асосий меъёрнинг ярмидан кўпроғи берилади : аммофос 125 кг бўлса, фосфорли ўғитлар кўпроқ, яъни 90 кг, калийли ўғитлар 40-50 кг Узумзорларга фосфор ва калийли ўғитлар нисбатан кўпроқ берилиши ток новдаларини тўлиқ етилишига, касалликларга чидамлилигини оширишга ва мавсум охирида новдаларнинг пишишига ва янаги йил ҳосилига пухта замин яратилади.

Мабодо минерал ўғитлар билан озиқлантириш имкони бўлмаса маҳаллий ўғитлардан фойдаланиш керак. Бунда ҳар бир гектар боғ ва токзорларга суғориш билан бирга 5-6 тн. гўнг эритилиб оқизилади.

Токзорларда шўра ҳомтогини ўз вақтида ва сифатли бажарилишига эътибор берилади. Кул (оидиум) касаллигини олдини олиш мақсадида токзорларда гуллагунга қадар 1-2 марта туйилган олтингугурт билан чанглатилади (1 гектарга 20-25 кг сарфи билан). Бу даврда Топаз 100 л сувга 50 г ёки Вектра 30 г солиниб пуркаш ҳам булади.

Май ойининг иккинчи ярмида олма қурти ва нок шира бургасига қарши пуркаш ишлари такрорланади. Бунда юқорида баён этилган препаратлар қўлланилади. Беҳизорларда монилиоз касаллигига қарши 1% бардо суюқлиги билан ҳар 8-10 кунда пуркаш такрорланади.

Токзорларда ҳомток ўтказиб бўлиниши билан гуллашдан сўнг олтингугурт билан чанглатилади (1 гектарга 20-25 кг ҳисобида).

## И ю н ь

**Б оғ л а р д а.** Ёз мавсумида парвариш ишлари, кўчатларни бехато илдиз олишига, яхши ўсиши ва ривожланишини таъминлашга қаратилади. Суғоришга алоҳида эътибор берилади. Июнь ойида икки-уч маротаба суғорилади. Ҳар суғоришдан кейин эгатлар ва дарахт атрофидаги тупроқ юмшатилади.

Мевазор ва токзор қатор оралиқлари тупроқни сув-ҳаво тартибини, тупроқда намни сақлашни яхшилаш ва бегона ўтларни йўқотиш мақсадида 10-12 см чуқурликда культивация қилинади ва туп оралари юмшатилади, чиққан бачкилар кесиб олиб ташланади.

Мева дарахтлари ва ток новдалари яхши ўсиб ровожланиши учун

гектарига 150-200 кг аммиак селитраси, 100 кг аммофос ва 100-120 кг калий ўғитлар билан қўшимча озиқлантириш ёки 100-120 кг карбамид мақсадга мувофиқдир.


Органик ўғитлар билан ҳам қўшимча "шарбат" усулида озиқлантириш мумкин. Бунинг учун боғ ва токзорнинг юқори қисмида сув келадиган йўлда чуқур ковланиб, гўнг солинади ва сув аралаштириб оқизилади.

Ҳосилли боғ қатор ораларини сугориш учун бир-биридан 80 см оралиқда 4-5 та 22-24 см чуқурликда ариқлар очилади. Сув 24-36 соат давомида ер яхши захлагунча жилдиратиб оқизиб қўйилади.

Оғир соз тупроқларда битта сугориш меъёри гектарига 700-800 м<sup>3</sup>, тошлок тупроқларда 400-500 м<sup>3</sup>.

Тупдаги асосий ва бачки новдалари қалинлашиб кетса, намлик юқори бўлишига сабаб бўлади ва замбуруғли касалликларни ривожланишга олиб келади. Бачки новдаларни олиб ташлаш тадбири албатта бажарилиши зарур. Шу билан биргалиқда ортиқча новдалар ҳам олиб ташланади. Шундан сўнг новдалар боғланади. Ҳомток қилиш натижасида ҳосилдорлик ва маҳсулот сифати ошади.

Олма, нок ва олхўри курти ва нок шира бургасига қарши июнь ойининг 2-ярмида 10-15 кун оралатиб, боғларга кимёвий ишловлар берилади. Бу тадбир мева боғларида меваҳўр қуртларнинг 2-наслига қарши бўлиб, олманинг Ренет Симиренко, Голден Делишес ва Розмарин навлари гуллаб бўлганидан 45-47 кун ўтгач бажарилади. Шу муддатларда ҳосилли олма, нок ва олхури боғларида қўйидаги препаратлардан бири қўлланилади: бензофосфат (золон), карбофос (100 л сувга 200-300 г ҳисобидан).



Циперфос препарати 100 л сувга 100 г ёки Децис, Суми-альфа 50 г Карате, Талстар, Циракс 30-40 г ёки Фуфанон 100 г ҳисобидан қўлланилса бўлади.

Эртапишар Первенец Самарканда, Мелба, Старк Эрлист ва Тошкент

боровинкаси каби олма навлари июнда пуркалмаса ҳам бўлади. Ёғингарчилик июнда ҳам бўлса парша ва монилиоз касаллиги кўпайиши кузатилса, унда 1%ли бордо суюқлиги билан пуркаган маъқул Ҳосилли боғларда 100 л сувга Вектра 30 г Сапроль ёки Топсин 100 г ҳисобидан олма қуртига ҳам қарши комплекс ҳолда пуркалса самарали бўлади.

Июнь ойи бошларида ёғингарчилик бўлса ўрик, шафтоли ва олхўри дараҳтларини юқорида қайд қилинган клястероспориоз, барг бужмалоқлиги ва ун шудринги каби замбуруғли касалликларга қарши бордо суюқлигининг 1%лиги ёки намланувчи олтингугурт билан такрор пуркаса бўлади. Кимёвий препаратларни қўллаш билан бир қаторда дараҳтлар атрофини ағдариб чопиш, уруғли мева дараҳтларининг тана ва она шохларига тутқич белбоғлар боғлаб, ҳафта ўн кун ичидаги тушган қуртларни йўқотиши, тушган меваларни териб олиш каби тадбирлар ҳам бажарилиши лозим.

**Т о к з о р л а р д а .** Токзорларда ток каторидан 50-60 см қочириб, иккита суғориш ариги очилади. Сув 24-30 соат давомида яхшилаб суғорилади.

Тозорларда технологик тавсияларга биноан май ва июнь ойида оидиум (кул касаллиги) ва антракноз касалликларига қарши 8-10 кун оралатиб икки марта олтингугурт (1 гектар токзорга 25-30 кг сарфи билан) чанглатиб чиқиш зарур. Олтингугуртга 10 кг оҳак кукуни қўшилса, ўтказилаётган тадбиримиз самарадорлиги ошади. Кичик майдондаги ток тупларини даволашда олтингугуртни қўллаш имкони бўлмаса вектра, топаз, титул (10 л сувга 3-5 г) ёки топсин (10 г), томорқа шароитида калий перманганати (марганцовка) 5 г ёки 10 л сувга 50 г ҳисобидан кир содаси эритмасини қўллласа ҳам бўлади.

Шуни ҳам айтиш керакки, токзорларимизда ҳомток ишлари ўз вақтида ва сифатли олиб борилса, касалликларининг ривожи сусаяди ва уни ҳисобига кимёвий ишловлар сони камаяди, самараси эса ошади. Шунинг учун июнь ойининг иккинчи ярмида ўтказиладиган ғўра ҳомтогини ниҳоятда самарали ўтказиш ва новдаларни яхшилаб кун тушадиган қилиб тараб боғлаш зарур. Июндаги ҳимоя қилиш тадбирлари ўз вақтида ва сифатли ўтказилса, боғ ва токзорларимиз ҳосилдорлигини сақлаб қолган бўламиз.

Шуни ҳам айтиш ўринлики, айрим фермер хўжаликларининг боғ ёки токзорларида девпечак (кускута) тарқалиш ҳоллари кузатилмоқда. Бундай ҳолда ток тупларидан ва мева дараҳтларидан кускута поялари синчковлик билан тозаланади ва боғдан ташқарига олиб чиқиб куйдириб ташланади ёки чуқур кўмиб ташланади. Суғориш тармоқлари атрофида тарқалиши кузатилса, кускута уруғлагунга қадар пуркаш йўли билан йўқотилади. Бунда аммиак селитраси 10 л сувга 1,5 кг ҳисобидан ёки карбамид 1 кг ҳисобидан эритилиб жиққа хўлланиб пуркалади.

## И ю л ь

**Б оғ л а р д а .** Маълумки, дехқонлар қадимдан саратон сувига алоҳида эътибор берганлар. Шунинг учун янги барпо этилган боғ ва токзорлар июль ойида 2-3 марта яхшилаб суғорилиши зарур. Намни сақлаш учун 5-6 кундан сўнг культивация қилиб, тупроқ юмшатилинади.

Ҳосилли боғ қатор ораларини суғориш учун 80-90 см узоқликда ариқлар

очилади. Токзорларда эса ток қаторидан 50-60 см узоқликдаги масофада очилган иккита сүфориш ариғи кифоя.

Ер ости суви чуқур жойлашган бўз тупроқларда сув 24-36 соат давомида ер яхши захлагунча жилдиратиб оқизиб қўйилади. Оғир соз тупроқларда битта сүфориш миқдори гектарига  $700\text{-}800 \text{ м}^3$ , тошлоқ тупроқларда  $400\text{-}500 \text{ м}^3$ . Тупроқ етилиши билан қатор оралари юмшатилади.

Ёз мавсумида озиқлантиришни органик ўғитлар билан қўшимча «Шарбат» усулида ҳам бажариш мумкин. Бунинг учун боғ ва токзорларнинг юқори қисмида сув келадиган йўлда чуқур ковланиб, гўнг солиниб, сувга тўлдириб 3-4 кун аралаштириб турилади ва чиригандан сўнг ўқ ариқ орқали эгатларга гўнг ва сув аралаштириб қўйилади.

Эрта пишар ва ёзги мева навлари истеъмол қилиниши учун пишиб етилганда, навнинг ўзига хос рангига ва таъмига эга бўлганда терилади; узоқ масофага жўнатиш, сақлаш ва консерва қилиш учун техник етилиш даврида терилади. Кузги ва қишки навли мева дараҳтларида хосил мўл бўлганлиги сабабли шохлари эгилиб қолиши мумкин, шу сабабли эҳтиёж туғилса дараҳтларга тирговучлар қўйилади.

Кунлар исиб, ҳарорат юқори дараҷада бўлганлиги сабабли мева боғларида мева ва қўнғир рангли ўргимчак каналари, нок дараҳтларида нок шира бургаси жадал ривожланади. Шунинг учун боғларда кузатишларга асосланиб, каналарга қарши қурашда (1 та баргда 3 тадан ортиқ кана бўлса) намланувчи олтингугурт (100 л сувга 0,6-1 кг) сепилади. Бир гектарга 12-15 кг сарфланади.

Олтингугуртнинг намланувчи кукуни бўлмаса, Омайт ёки Неорон препаратларидан ҳам фойдаланса бўлади. (100 л сувга 150 г). Туйилган олтингугуртни чанглатилса ҳам бўлади. Энг муҳими мевали боғлар июль ойида сувга қондириб сүфорилиши зарур.

Нокзорларда нок шира бургаси (медянница) кўпайиб кетмаслиги учун 10-12 кун оралатиб, 1-2 марта қўйидаги препаратлар билан ишлов берган маъқул : БИ-58, Карбофос, Фозалон (золон) 100 л сувга 200-300 г ҳисобидан ёки Нурелл, Циперфос 100 л сувга 100 г ёки Карате, Децис, Суми-альфа (100 л сувга 40-50 г), Фуфанон, 150 г ва бошқалар.


Ҳосилли кечпишар олма ва нок боғларида олма куртининг учинчи наслига қарши июль ойининг охирги беш кунлигига юқорида келтирилган препаратлардан бирини қўллаш керак.

Беҳизорларда монилиоз касаллигидан заарланган новдалар кесилади ва боғдан чиқариб йўқ қилинади.

**Т о к з о р л а р д а.** Токзорларда ток туплари қалинлашиб кетишига йўл қўйилмаслик керак. Ток тупларида узум бошларини соялатиб қўядиган бачки новдалар кучли ўсиб кетганда, уларда 2-3 та барг қолдириб, қолган қисми қирқиб ташланади, чунки улар ҳосилнинг етилишини, новданинг пишишини кечикириди ва замбуруғли касалликларнинг ривожланишига сабаб бўлади. Осилиб қолган новдалар кўтарилиб, боғлаб қўйилади.

Токзорларда ғўра ҳомтокларни бажарилишига эътибор берилади, қалинлашиб кетган ва оидиум (кул) касаллиги токзорларда тарқалгани кузатилса, туйилган олтингугурт билан чанглатилиши керак. 1 гектарга 30 кг

олтингугурт ва 10-15 кг оҳак қукуни қўшиб ОШУ-50 осма чанглагичда ишлов берилади.



Бу тадбирлар қўлланилганда, мева бутунлай сақлаб қолинади ва маҳсулот сифати 80-85%га етади, 1 га. боғ ва токзордан қўшимча 1,5-2 млн. сўм даромад олинади. Ҳар бир сўм сарф харажат эса 15-30 мартағача қайтим беради. Боғдорчилик ва узумчилик рентабеллиги 200-250% қадар кўтарилади.

## А в г у с т

**Б оғ л а р д а.** Ҳосилга кирган боғларда нок, олма, шафтоли ва олхўри мевалари терилади. Ҳосилли беҳи, кечпишар олма ва нок боғларида олма қуртининг учинчи авлодига ва нок ширасига қарши июль ойининг охирги беш кунлигига пуркаш ўтказилмаган бўлса, августнинг биринчи беш кунлигига бу тадбирни ўтказиш зарур.

Кенг тарқалган препаратлардан бирини Карбофос, Би-58, Фозалон 100л сувга 200-300 г ҳисобидан ёки Циперфос 100 г, Карате, Децис ёки Суми-альфа (100 л сувга 40-50 г) қўллаш мумкин.

Мева каналари тарқалиши кузатилса бу препаратларга Омайт, Неорон препаратларини (100 л сувга 150г) қўшиб, омухта ишчи суюқлиги билан пуркалади. Намланувчи олтингугуртни 1% лиси ҳам самаралидир.

Беҳизорларда монилиоз касаллигидан заарланган новдалар олдинги ойларда кесилмаган бўлса, тезда кесиб боғдан чиқариб ёкиб юборилади.

**Т о к з о р л а р д а.** Узумнинг кузги навлари йиғиштирилади. Қалинлашиб кетган токзорларда новдаларни юқори қисмини қисқартириб кесиб ташлашдан иборат. Чеканкани айрим холлардагина жуда кучли ўсувчи токзорларда

сийраклаштириш билан бир вақтда августнинг биринчи ярмида ўтказиш керак. Бунда ғўра хомтокдан қолиб кетган бачки новда ва баргларнинг ток тупини жуда қалинлаштириб юборадиган ва ҳаво ҳарорати ҳамда ёруғликнинг ўтишига ҳалал берадиган қисмлари олиб ташланади. Чеканка натижасида новдалар ва ҳосил яхши пишади, шираси ошади ва кейинчалик ток кесиш осонлашади.



Темир бетон устунларда ток ўстирилаётган бўлса охирги симбағаздан 50-60 см дан юқори қисми кесиб ташланади. Кечпишар узум навлари, узумни узишга 15-20 кун қолганда суғорилади.

Токзорларда чилла чиқиши билан қалинлашиб кетган тупларда узум бошларини соялаб турган барглар олиб ташланади, кучли ўсиб кетган новдалар учи охирги 3-4-чи симдан 50-60 см қолдириб учлари кесиб ташланади. Ток новдалари чилпилади. Кул касаллиги тарқалиши кузатилса олтингугурт билан чанглатилади. 1 гектар токзорга сарфи 30-40 кг

**Мева-узум ҳосилини сақлаш.** Мевалардан шафтоли, олхўри, ўрта пишар олма, нокларнинг ва узумнинг кишмиш навлари тўлиқ пиша бошлайди. Айrim ҳудудларда узумнинг Хусайнни нави ҳам етарли даражада қанд моддасини истеъмол учун ўз таркибида йифиб қолади.

Август ойи фермер миришкорлари учун жуда долзарб ҳисобланади, чунки бир томондан ёзнинг энг иссиқ, даври (чилла) бўлса иккинчи томондан ҳар хил турдаги мевалар ва ҳар хил помологик навларнинг пишиб этилиш даври бўлади. Бу вақтда қилинадиган ишларнинг тури ҳам кўпаяди ва ҳарорат юқори бўлиши туфайли маҳсулот турлари ҳам кўпаяди ва тез бузилиши мумкин.

Шафтоли ва олхўри меваларини териш учун улар қаттиқроқ, озгина пишмаган ҳолатда, лекин мазаси ушбу помологик навга хос бўлиши керак.

Меваларни узоқ жойларга юбориш, сақлаш ва сотувга олиб чиқиш учун мева банди билан терилиши шарт, бу эса меваларни сақланишига энг асосий кафолат бўлади.

Олма ва нок мевалари терилаётган пайтда аста секин яшикларга тахланади, улар эса олдиндан қоғоз ва ёғоч қиринди билан тўшалган бўлиши керак. Узум бошлари қайчи билан кесиб олинади, узумнинг доналарига қўл тегмаслиги керак, чунки узум мевасини ғубори учеб кетса, узумни узоқ муддатга сақлаш қийин бўлади.



Меваларга товар ишлов бериш – уларни ташиш ва сақлаш учун тайёрлаш демакдир.

Товар ишловда асосий операциялар – мева узумларни сифати бўйича саралаш (сортировка), катта кичиклиги бўйича ажратиш (калибрлаш) ва меваларни стандарт яшикларга жойлашдир. Бундан ташқари яшикларни маркалаш, уларга рейка қоқиши, торозда тортиш, транспортга ортиш ва боғни ичидан олиб чиқиши ишлари ҳам жуда катта аҳамиятга эга.

Меваларни сифати бўйича саралаш ишлари, маҳсулот ичидаги сифатсизларини ажратишга имкон беради. Бундай меваларга қуидагилар киради:

- шикастланган мевалар (тешилган, эзилган, урилган, мева банди йўқ) ;
- мева заараркунандалари ва касалланган мевалар ;
- офтобда қўйган ва бошқалар.

Олма ва нок меваларини ёзги навлари яшикларга тўқма ҳолида тахланса бўлади, фақат яшикларни тагига албатта ёғоч қириндиси ва қофоз солиниши керак.

Тўқма ҳолида тахланган мевалар асосан яшикларни ўрнига контейнерлар ишлатилганда қўлланилади.

Боғни ичидан узоқ жойларга жўнатишда темир йўл станциясигача олиб бориш учун энг яхши транспорт воситаси бўлиб, автомашина ёки трактор прицепи хисобланади.

Ортилган мева ёки узумларни энг яхшиси кечки салқинда ёки кечаси мевалар совиганда темир йўл станциясига ёки сақлаш жойига жўнатилади.

Шуни айтиш керакки, Ўзбекистон шароитида август ойида пишиб етилган ўрта пишар мева ва узумлар узоқ муддат сақланмайди. Улар асосан қайта ишлаш (консерва қилиш ва қуритиш учун) уз жойларига жўнатиш учун ёки маҳаллий бозорларга сотувга терилади.

Данакли мевалар (шафтоли, олхўри), узумни кишиши навларини ўз муддатида сақлаб бўлмайди, улар кўпи билан (энг сифатлиси) бир ой сақланади.

Данакли меваларни ва узумни кишиши навлари очиқ ҳавода - қуёшда қуритилганда яхши натижа бермайди.

Ўрта пишар олма, нок ва узумнинг Кишиши навларини узоқ жойларга жўнатилиши ёки маҳаллий бозорларга сотувга олиб чиқиши мақсадга мувофиқ бўлади.

## С е н т я б рь

**Б оғ л а р д а.** Бу даврда мева боғларидан токзорларда мавсумий парваришиш ишлари асосан тугалланган бўлиб, қишига сақланадиган навлар мева ва узум хосилини теришга эътибор берилади. Мевали боғларда тўкилган меваларни териш ва ихота дараҳтлари суғорилади.

Боғларда заараркунанда ва касалликлар тарқалган майдонлар аниқланади, кеч кузда пуркаш ишларини бажариш учун шу кунларда керакли кимёвий воситаларни олиш ва пуркагичларни созлаб қўйиш зарур.

Мева хосилини кечки пишар навлари сентябрь ойида пишиб етилади.

Хосил теримига 10-15 кун қолганда, боғларда ҳар 100 м масофада юк ташиш учун йўллар ўтказилади.

Кеч пишар олма ва нок меваларни навига ва пишиб етилиш муддатига караб терим бошланади. Бунинг учун теримчилар мева-узум хосилини териш техникасини яхши билиши керак.

Энг аввал ерга тўкилган мевалар терилиб, кейин дараҳтдан хосил узилади. Узилган мева-узумлар товар ҳолатга келтирилади, яъни улар сараланади, катта-кичикликка ажратилади ва яшикларга тахланади.

Яшикларга жойлашган мева ва узумлар транспорт воситаларига ортиб саклаш, қайта ишлаш ёки сотувга юборилади.

**Т о к з о р л а р д а.** Ток икки муддатда: кўмиладиган токлар кузда, кўмилмайдиган токлар асосан баҳорда кесилади. Токдан мўл хосил олиш учун улар ҳар йили кесилиб, маълум шаклга келтирилади. Ток новдаларининг сони ва тупда жойланиши токнинг ўсиш кучига қараб тартибга солинади. Ток кесиб турилганда унинг хосилга кириши тезлашади, мўл хосил бериш даври узаяди, токзорни ишлаш ва бунда механизациядан фойдаланиш, токнинг касаллик ва заараркунандаларига қарши кураш ишлари осонлашади. Хосил олиш учун доимо яхши пишган, бақувват, соғлом ва бағазларда яхши ётадиган, нормал бўғим орасига эга бўлган новдалар қолдирилади.

Токни умумий қабул қилинган технологияси бўйича кесиш зарур. Ток кўмиладиган туманларда кесиш вақтида тупларда қабул қилинган меъёрдан 20-25 фоиз қўшимча кўзлар қолдирилади. Кучли ўсадиган Пушти тоифи, Нимранг, Хусайни ва Қора кишиши каби навларда кўзлар кўпроқ қолдирилиб, узунроқ кесилади. Бир тупда 200-300 тагача кўз қолдирилади. Ўртacha ўсувчи Ркацители, Саперави ва Мускат розовый навларида кўзлар сони 150-180 тагача қолдирилгани маъқул. Кучсиз ўсадиган Рислинг ва Пино черный навларида 80-120 та кўз қолдирилади.

Пишган новдалар шундай кесиладики, уларни пастки симга боғлаш мумкин бўлсин, заифроқ новдалар 2-3 та кўзча қолдириб кесилади. Келажакда 4-5 та занг бўлиши учун новдалар қолдирилади, 9-10 ёшли занг новдалар янгиланиши мақсадга мувофиқдир.

Кесилган ток туплари кўндоқлаб ётқизилгач, кўмишдан олдин оидиум (кул) ва антракноз касалликларига қарши 3 фоизли бордо суюқлиги ёки 5 фоизли оҳак-олтингугурт қайнатмаси билан жиққа хўллаб пуркаш керак.



**Мева ва узумни сақлаш.** Мева-узум маҳсулотлари ертўлалар, омборлар, оддий ўралар ёки типовой омборхоналарда сақланади. Мева-узумни сақлаш учун энг яхши шароит – ҳаво харорати ва намлиқ доимо аниқ белгиланган даражада сақлаб туриш ҳисобланади.

Мевалар етилганда, уларни об-ҳаво қуруқ вақтда, банди билан бирга авайлаб узиш керак.

Сақлаш учун терилган мевалар етилиш даражаси бўйича навларга ажратилади ва уларни ўлчамлари бўйича саралаб, яшикларга жойланади, 7-8 яшикни устма-уст омборни шипигача 50-60 см масофа қолдириб тахланади. Яшикларни айрим қаторлари ўртасида ҳаво юриши учун 10 см тирқиш ва юриш учун 60-80 смли йўл қолдирилади.

Олмани омборларда идишсиз сақлаш учун деворлар бўйлаб турли кенглиқда, баландлиги 10-15 смли ёндорли сўқчалар ўрнатилади.

Тахтадан ёки фанерадан ишланган баландлик бўйича параллел жойлашган сўқчалар ўртасида 70-80 смдан кам бўлмаслиги керак.

Мева-узумларни сақлаш вақтида текшириб туриш учун сўқчаларга пирамида шаклида ўйиб ёки юпқа қават қилиб ўйиб қўйилади.

Олма ва нокни 5-6 ойгача сақлашнинг энг яхши шарт-шароити ҳаво ҳарорати 0-1°C ва нисбий намликни 85-95% бўлганидир.

Албатта оддий ертўлаларда бундай шароитга эришиш қийин, у ҳолатда юқоридаги шароитга интилиш зарурияти туғилади, яъни ҳавони шамоллатиб, сув сепилиб, олtingугурт билан дудлаш ва мева-узумларни сифатини кузатиб бориши керак.

Узум сақланаётганда эҳтиёткорлик билан узилган узум бошларини сояга ўйиб, 1-2 кун мобайнида шамоллатиб сўлитилади. Сўнгра узум бошларини иккитадан бойлаб осиб сақласа ҳам бўлади. Ёки узун новдалар билан кесилган узум бошлари сувли идишга новдасини ботириб сақласа яхши натижалар беради.

Айрим жойларда узум қамишдан тўкилган бордонларга ётқизиб ҳам сақланади. Сақланаётган маҳсулот бир ойда икки маротаба қўздан кечирилади ва омборхона олtingугурт билан дудланади.

## Октябрь

**Б оғларда.** Суғориладиган бўз тупроқларда дараҳтнинг танаси атрофидаги тупроқ 15-18 см, қатор ораларида 25-30 см, шағалли ерларда эса 10-15 см чуқурликда шудгорланади. Шунда юза жойлашган илдизлар шикастланмайди.

Ҳосилга кирган боғда ҳар 2-3 йилда бир маротаба гектарига 30-40 тн.гўнг минерал ўғитлардан фосфор 180 кг ва калий 90 кг соғ ҳолда солиниб, 45-50 см чуқурликда шудгор қилинади. Ҳар йили эса 60 кг фосфор, 30 кг калий соғ ҳолда солинади. Сидерат утлар ҳам тупрок унумдорлигини кутаради.

Уруғли боғларда (нок, олма, беҳи) тўкилган баргларда зааркунанда ва касаллик юқумлари сақланади, шунинг учун боғлар қатор оралари тупроғи ағдариб хайдалади, ҳайдалмай қолган ҳар бир дараҳт атрофи 25 -чуқурликда ағдариб чопилади. Касалланган, синган шохлар, қуриб қолган дараҳтлар қирқилади ва боғ ташқарисига чиқариб ташланади. Об-ҳаво шароитига қараб, агарда октябрь ойи охирида дараҳтлар барги ёппасига тўкилса, бундай боғларни монилиоз, парша каби касалликларга қарши ювиш даражасида токзорлар учун қайд қилинган препаратлар билан пуркаш тавсия этилади.

Ойнинг учинчи ўн кунлигига барча мева дараҳтлари, биринчи галда шафтоли, олхўри, ўриқ, гилос дараҳтларининг тана ва она шохлари оқланиши зарур. Бунда 10 л сувга 2 кг тупроқ, 1,5-2 кг оҳак эритилиб, қалин қилиб оқланади. Мол шатмоғи қўшилса тез ювилиб кетмайди. Касалликларга қиши совуқларига чидамлилигини ошириш мақсадида калий ва фосфор ўғитларини солиб, қатор ораларини ҳайдаб қўйиш мақсадга мувофиқдир.



**Токзорларда.** Айрим йиллари қишида ҳаво ҳарорати минус 25-30°C га пасаяди, бу ток тупларини қишида кўмишни талаб этади. Шимолий районларда ток устига ётқизилган тупроқ уюмининг баландлиги 25-30 см, бошқа районларда эса 20-25 см бўлиши керак. Кузги совуқлар ҳам ток тупи учун заарли. Токлар яхши кўмилиши зарур.

Ёмон кўмилган ёки кеч кўмилган ток кузги совуқлардан, кейинчалик эса қишки совуқлардан заарланади, новдаларни совуқ уриши натижасида келгуси баҳорда улар қуриб қолади

Узумдан мўл ҳосил олинадиган токзорларда ҳар 3-4 йилда гектарига 30-40 тн. микдорида органик ўғитлар солиб туриш зарур. Бунда ўғит ток тупроқлари қишига кўмилгандан кейин ерни 25-35 см чуқурликда хайдаб, гўнг соғич билан

солинади. Органик ва минерал ўгитларни аралашмасини чукур ковлагич билан казиладиган 60x60 смли чукурларга тупдан 50-60 см узоқликда солиш ҳам жуда самаралидир. Бунда ҳар бир чукурга 20-30 кгдан ўғит солинади.

Суғориладиган бўз тупроқларда ўстириладиган токзорларда минерал ўғитларнинг асосий микдори 90 кг фосфор ва 60 кг калийни ташкил этади.

Октябрь ойи токзорлардаги асосий ишлар бу ток тупларига шакл бериб, навларига қараб қўзлар микдорини қолдиришидир. Аввалам бор ток кесишида биринчи галда антракноз ва бактериал рак билан заарланган новда ва занглар қирқиб олиниб, токзордан чиқариб ташланади ва куйдирилади. Кўп ҳолларда дехқонлар ток тупларини ёпиш учун қирқилган новдалардан ҳам фойдаланишади.

Барг ва новдаларда касаллик юқумлари бўлганлиги учун мавсумда токзорлар янада кўпроқ заарланадилар. Шунинг учун токзорларни ёпишда ток рудаларини қўлламаган маъкул Яхши ёпилмаган токлар қиши фаслида совуқдан шикастланади, бу ҳол эса ўз навбатида бактериал касаллиги кўпайишига олиб келади. Кесилган ток туплари қўндокълаб ётқизилган, ёпишдан олдин оидиум (кул), антракноз ва рак касаллик юқумига қарши 3 фоизли бордо суюқлиги ёки 5 градусли оҳак олтингугурт қайнатмаси билан ёки мис купоросининг 1 фоизлиги ёки купоросининг 3 фоизли эритмаси билан жиққа хўллаб пуркаш зарур.

## Н о я б р ь

**Б оғ л а р д а.** Уруғли боғларда (нок, олма, беҳи) тўкилган баргларида зааркунандалар ва касаллик юқумлари сақланади, шунинг учун боғлар қатор оралари тупроғи ағдарилиб ҳайдалади, ҳайдалмай қолган ҳар бир дараҳт атрофи 25-30 см чукурликда ағдарилиб чопилади. Касалланган, синган шоҳлар, қуриб қолган дараҳтлар қирқилади ва боғ ташқарисига чиқариб ташланади.

Об-ҳаво шароитига қараб, дараҳтлар барги ёппасига тўкилган боғларни монилиоз, парша каби касалликларга қарши ювиш даражасида токзорлар учун қайд қилинган препаратлар билан пуркаш тавсия этилади.

Ноябрда барча мева дараҳтлари биринчи галда шафтоли, олхўри, ўрик, гилос дараҳтларининг тана ва она шоҳлари оқланиши зарур. Бунда 10 л сувга 2 кг тупроқ, 1,5 кг оҳак эритилиб қалин қилиб оқланади. Мол шатмоғи қўшилса тез ювилиб кетмайди.

Ҳосилга кирган боғ ва токзорларда ҳар 2-3 йилда бир маротаба гектарига 20-40тн. гўнг, минерал ўғитлардан фосфор 150-180 кг ва калий 50- 60кг соғ ҳолда солиниб, боғлар 45-50 см, токзорлар қатор оралари 25-35 см чукурликда шудгор қилинади.

Ҳар йили эса бўз тупроқларда ўстириладиган боғ ва токзорларга 60-90 кг фосфор ва 60 кг калий соғ ҳолда солинади. Шундай қилинса боғ ва токзорларнинг ҳосилдорлиги ошади, касаллик ва совуқларга ҳам чидамли бўлади.

Юқорида келтирилган ишлар тугаллангач, ер ости сувлар чукур бўлган ва мавсумда етарлича суғорилмаган боғ ва токзорлар суғорилиши керак. Маҳаллий ўғитларни йифищ, токзорларда симбағазларни таъмирлаш ишлари

ҳам кеч кузги юмушлари сирасига киради.

Ноябрь ойида мева ва узум ҳосилини ҳаммаси териб тамомланган бўлади. Тўкилган ёнғоқ, беҳи, бодом мева қолдиқлари териб олинади.

Боғларда қолиб кетган яшиқ, нарвон ва бошқа ускуналар олиниб, ҳаммаси шийпон, қуритиш пунктига ёки омборхоналарга тахлаб қўйилади. Асбоб, ускуналар ҳаммаси усти беркитилган навеслар ёки маҳсус омборхоналар тагига ёмғир ва қорлардан сақлаб қўйилади.

Шуни айтиш лозимки, мева-узум қолдиқларидан тозаланмаган, яшиклар албатта дезинфекция қилиниб, қуритиб, сақлаб қўйилади. Бунинг учун маҳсус ажратилган жойда катта идишларда 3-4%ли формалин эритмаси тайёрланиб, унга яшиқ, чеълак ёки контейнерлар ботириб олинади.

**Т о к з о р л а р д а.** Ноябрь ойида токзорлардаги асосий ишлар токларни кесиш, кўндоқлаш, дорилаш ва ёпиш ишлари узоғи билан ойнинг биринчи ярмида тугалланиши керак. Кесиш ишлари давом этаётган бўлса октябрь ойи учун берилган тавсияларга кўра бу ишларни давом эттириш керак. Яъни токни умум қабул қилинган технология бўйича кесиш зарур.

Аввалом бор ток кесишда биринчи галда антракноз ва бактериал рак билан заарланган новда ва занглар қирқиб олиниб, токзорлардан чиқариб ташланади ва куйдирилади. Кўп ҳолларда дехқонлар ток тупларини ёпиш учун қирқилган новдалардан ҳам фойдаланишади.

Барг ва новдаларда касаллик юқумлари бўлгани учун янаги мавсумда токзорлар янада кўпроқ заарланадилар. Шунинг учун токзорларни ёпишда ток рудаларини қўлламаган маъқул Яхши ёпилмаган токлар қиши фаслида (совукдан шикастланади, бу ҳол эса ўз навбатида бактериал рак касаллиги кўпайишига олиб келади.

Кесилган ток туплари кўндоқлаб еткизилгач, ёпишдан олдин оидиум (кул), антракноз ва рак касалликлари юқумига қарши 3% бордо суюқлиги ёки 5°ли оҳак-олтингугурт қайнатмаси билан ёки мис купоросининг 1 фоизлиги ёки темир купоросининг 3 фоизли эритмаси билан жиққа хўллаб пуркаш зарур.

**М е в а в а у з у м н и с а қ л а ш .** Узоқ муддатга сақлашга қўйилган мева – узум маҳсулоти бир ойдан кўпроқ муддат сақланаётган бўлса, ҳамма яшиклардаги мева ва узум яхшилаб кўриқдан ўтказилади.

Бузилиш жараёни пайдо бўлган яшиклар маҳсулоти билан ажратиб қўйилади ва тез кун ичидаги улар реализацияга ва қайта ишлашга жўнатилади.

Узоқ муддат сақланаётган қолган маҳсулот албатта олтингугурт билан дудланиб, сақланиш ҳарорати ва нисбий намлиги текшириб турилади.

Омборхоналарда октябрь ойида мева ва узумни яхши сақланиши учун маҳсулот ҳар 15-20 кун ичидаги олтингугурт ёқиб дудланиб турилиши шарт.

## Д е к а б ر ь

**Б оғ л а р д а.** Боғ қатор оралари 25-30 см чуқурликда хайдалади. Хайдашдан олдин гектарига 5-10 тонна маҳаллий ўғит солинади. Янги боғ ва токзорлар барпо этиш мақсадида ажратилган ерларга 30-40 тонна маҳаллий ўғит ҳамда 300-400 кг фосфор ва калийли ўғитлар ҳам солиши зарур.

Бордию боғ ва токзорларга ажратилган ерлар шўрланган бўлса, декабрь

ойларида гектарига 10-12 минг куб сув сарфланиб яхшилаб ювилади. Қишки сүгориш декабрда бир гектарига 1500-2000 куб метр сув сарфлаб, 4-5 кун давомида сүфорилади. Шўрланган ерлар атрофидаги коллектор ва зовурлар тозаланади. Об-ҳаво иссиқ кунлари жанубий минтақаларимизда катта ёшдаги мевали дараҳтларга шакл бериб буташ ишларини бошласа ҳам бўлади. Биринчи галда катта ёшдаги олма, нок, уругли мевали дараҳтлар буталади.

Ҳаво очик ва илиқ кунларда боғларни заараркунанда ва касалликлар захираларига қарши ишловлар ноябрь ойи учун кўрсатилган тавсиялар асосида бажарилади.

Боғларни дорилашда охирги йиллари кенг тарқалган монилиоз, кластероспориоз, парша, дараҳт таналарини шикастлайдиган рак касалликларига жиддий эътибор берилади. Бунда бордо суюқлигининг 3-4% ли суспензия ҳолида дараҳтларни жиққа хўл бўлиш шарти билан пуркалади.

Бордо суюқлигининг ўрнига мис купоросини 1% ли ёки темир купоросини 3% ли қилиб сепса ҳам бўлади. Маълумки касаллик юқумлари тўкилган баргларда сақланади. Шунинг учун барча боғларда дараҳт атрофидаги тупроқ ағдарилиб чопилади ва шу йўл билан тўкилган барглар йўқотилади.

**Т о к з о р л а р д а.** Қишининг илиқ кунларида жанубий минтақаларда токзорларда токларни кесиш ва шакл бериш ишлари давом эттирилади. Токзорларда шароитга қараб симбағазлар таъмиранади.

Токзорларга катор ораларига 10-15 тонна маҳаллий гўнг солиб, 25-30 см чукурликда хайдалади.

**Мева ва узумнинг кечки навларини сақлаш.** Узок муддатга сақлашга қўйилган мева ва узумлар ҳар куни кўздан кечирилади, ҳарорат нисбий намлик назорат остида бўлади (ҳаво ҳарорати  $0^{\circ}+5^{\circ}\text{C}$ , нисбий намлик 85-90%).

Агарда ҳаво намлиги пасайиб кетган бўлса, хоналарга сув сепилади, кечасига деразалар очилиб ҳароратни пасайтиришга ҳаракат қилинади. Энг асосийси омборхоналар ҳар ҳафта олтингугурт ёқиб тутатиб (дудланиб) турилади.

Қоқилар ва майизлар сақланаётган хоналар албатта юқорида тавсия этилгандек ҳар 6-7 кунда олтингугурт билан дудланиб турилади.

**Фарғона вилояти тупроқ-иқлим шароитида мевали экинлар ва узумни этиштириш агротехнологияси бўйича фермер хўжаликлари раҳбарлари ва қишлоқ хўжалиги мутахассислари томонидан ушбу тавсияларга тўлиқ амал қилинса, мевали экинлар ва узумдан мўл ва юқори сифатли маҳсулот олиш кафолатланади.**

# **ИЛОВАЛАР**

## **РЕСПУБЛИКАМИЗДА ИНТЕНСИВ БОҒ БАРПО ЭТИШ ҲАМДА УЛАРДА АМАЛГА ОШИРИЛАДИГАН АГРОТЕХНИК ТАДБИРЛАР**

Республикамизда жуда катта майдонда янги боғ ва токзорлар барпо этилмоқда ҳамда эски боғ-токзорлар қайта таъмирланмоқда. Ана шу янги боғ-токзорларни тўлиқ қўкартириб олиш асосий вазифаларимиздан биридир.

Янги боғлар ташкил этишда интенсив, тез ҳосилга кирувчи пакана ва ярим пакана пайвандтагларга уланган мевали дараҳтлар кўчатлари экилишига алоҳида эътибор қаратиш зарурдир.

Республикамизда охирги 5 йил ичида 9,7 минг гектардан ортиқ ерда интенсив усулидаги уруғли боғлар ташкил қилинди. Бу боғларни кўчатлари асосан дастлабки йилларда Сербия, Туркия ва Польша мамлакатларидан олиб келинди. Интенсив боғларни афзаллиги бу дараҳтларнинг танаси кичик бўлганлиги учун улар билан ишлаш қулай (ишлов бериш, сугориш, кесиш, шакл бериш, дори сепиш ва мевани териш). Бундай боғларда танасига ёруғлик тушиши, ҳаво айланиши яхши бўлганлиги учун мевасини сифати юқори бўлади. Мевасини теришда ҳам анча қулайликлар бор, айниқса симбағазга олинган боғларда нарвон ишлатмасдан ҳосил терилади, бунда иш унумли, юқори бўлиши билан бирга терилган маҳсулотнинг товар сифати ҳам юқори бўлиб, нобуд бўладиган мевалар сони камаяди.

Интенсив боғларнинг ҳосилдорлигининг юқорилигини таъминлашда, тупроқни доим озиқлантириб туриш зарур. Бунинг учун ҳар йили 30-40 т чиринди, 240-260 кг азот соғ ҳолда, 120-150 кг фосфор соғ ҳолда ва 60-70 кг калий соғ ҳолда солиб туриласди.

Ушбу агротехник жараёнлар ўз вақтида ўтказилса, ҳар бир гектар майдондан 4-5 йили 50-60 т ҳосил олишга эришилади.

Маълумки, бизнинг иқлим шароитимизда пакана пайвандтагларга уланган кўчатларнинг турлари ва навларига қараб, парвариш ишларини олиб боришлари талаб этилади.

Интенсив мевали боғларни ташкил этиш ҳамда уларни парвариш қилиш учун қўйидагилар тавсия этилади.

**1. Кўчат экиш учун майдонни тайёрлаш.** Кузда кўчат экиш учун танлаб олинган майдон плуги билан 50-60 см чуқурликда хайдалган бўлиши керак. Агарда майдон хайдалмаган бўлса, баҳорда 35-40 см чуқурликда ер хайдалиб, текисланиб, кўчат экиш учун режа тортилади. Режа тортишда экиладиган кўчат турларига қараб, пакана пайвандтагга уланган олма кўчатлари  $3,5 \times 2,5$  м, ўрта ўсуви  $3,5 \times 3$  м, нок кўчатлари учун  $3,5 \times 2$  м, ўрта ўсуви  $3,5 \times 2,5$  м, ММ-106 пайвандтагга уланган ўрта ўсуви кўчатларда олма  $6 \times 4$  м,  $6 \times 5$  м, нок учун  $5 \times 3$  м,  $5 \times 4$  м схемалари тавсия этилади.

Олинадиган ҳосилдорликни миқдори фақат нав ва пайвандтагдан, агротехника савиясидан эмас, балки ўсимликларнинг қатор ораси ва дараҳт оралиғига ҳам боғлик.

Майдонда қанча кўчат кўп бўлса, ҳосил шунча кўп бўлади, лекин дараҳтларнинг жойлашиш зичлигининг ҳам чегараси бор. Бу дараҳтларнинг

ҳажмига ва қатор ораларининг техника билан ишлов бериш даражасига ҳам боғлиқ. Ҳосилни сифати ва миқдорига дараҳт танасига тушадиган ёруғликни сифати ва миқдорига ҳам узвий боғлиқ.

**2. Кўчат экиш.** Кўчат экиладиган чуқурларни чуқурлиги ва кенглиги  $60 \times 60$  см бўлиб, чуқур қазишда тупроқ устининг 20-25 см қисми чуқурнинг бир томонига олиб, чуқурнинг қолган қисми иккинчи томонга олиб қўйилади. Чуқурга кўчат экишдан олдин 350-400 г фосфорли, 30-40 г калий ўғити ҳамда 8-10 кг чириган гўнгни тупроқ билан аралаштириб солиб, кейин кўчат экилади.

Кўчатни экишдан олдин алоҳида тайёрланган шатмоқقا (янги мол гўнги тупроқ билан 1:1 қилиб қаймоқсимон қилиб тайёрланади), ботириб олиб экилади. Кўчат чуқурга қўйилиб, олдин олинган тупроқ чуқур тагига солиниб, илдиз пайванд қилинган жойи тупроқдан 4-5 см юқорида бўлиши керак. Кўчат экилгандан сўнг ҳар бир чуқурга тўла сув кўйилади. Бунда тупроқ зичланиб, кўчат яхши қўкаради. Тупроқ чўккандан сўнг кўчат атрофига тупроқ солиб тўлдирилади.

**3. Кўчатларни парваришилаш.** Экилган кўчатлар вегетация даврида кўчатларнинг атрофлари қатқалоқ бўлиб қолмаслиги учун юмшатиб турилади. Тупроқ шароитига қараб, 10-12 дан 16-20 мартағача сув берилади. Ҳар сугоришдан сўнг тупроқ культивация қилинади. Зарурият бўлган вақтда ёш ниҳолларнинг касаллик ва зааркундаларига қарши ишлов берилади.

Янги экилган кўчатларни дастлабки даврида сув билан таъминлашга катта эътибор бериш зарур. Кўчатлар тўлиқ кўкариб кетиши учун (агар томчилатиб сугориш системалари ишга тушмаган бўлса) кўчат атрофини айлана шаклида ариқ олиниб, ариқ тўлгунча сув қуиши лозим ёки ариқ орқали сугорилса, кўчат атрофидан сувни айлантириб ўтказиб сугориш зарур. Об-ҳаво ва тупроқ шароитига қараб ёш боғларга йил давомида 12-20 маротабагача сув берилади. Кўчатлар атрофини қатқалоқ бўлиб қолмаслиги учун ҳар сувдан сўнг 10-12 см. чуқурликда юмшатиб турилади.

Ёш боғларни касаллик ва зааркундаларга чидамлилик даражаси анча паст бўлади. Шунинг учун буларни олдини олиб ёки зарурият туғилган ҳолда кураш чораларини қўллаш зарур.

**4. Шакл бериш.** Ўзбекистон шароитида пакана пайвандтагда экилган интенсив боғларда кўчатларга 60 см. юқоридан кесилиб, шакл берилади. Четдан келаётган кўчатларни веретино шаклида, яъни асосий лидер новда қолдирилиб, ёнига кўпроқ новда беришга қаратилинади, яъни шохлатилади. Шакл беришда кўчатнинг асосий лидер шохида штамби учун 50 см қолдирилиб, ундан юқорисига 8-10 кўз қолдирилиб, ундан сўнг яна шип 3 та кўз қолдирилиб, ортиқчаси кесилади.

Келажакда етарли шохлаши учун 50 см. танасидан юқорида жойлашган 3 кўз ойсимон шаклида (кўчат кўчатхонасида шохламаган бўлса) кўзни ўсиши қисмидан кербовка (кесиш) қилинади ва яна учта кўз ташлаб яна учта кўз тўғри чизик шаклида кербовка қилинади. Бу жараённи кўчат яхши ўса бошлаган даврида қилса яхши натижа беради. Шохланган шохлар июль-август ойларида  $90^{\circ}$  эгилади ва боғланади. Ёш ўсган новдаларда мева куртакларини ҳосил

қилиш мақсадида улар маълум вақтида чилпиб (чеканка) турилади. Бу усул мева куртакларини қўпроқ ҳосил бўлишини таъминлайди.

**5. Темир бетон устунлар ўрнатиш ва сим тортиш.** Экилган қўчатларни биринчи йилни ўзида симбағазларга боғлаб, парвариш қилиш учун темир бетон устунлар ўрнатилинади. Экилган қўчатларни схемасига қараб, бир гектар майдонга қатор ораси 3 м бўлса, 429 дона, 3,5 м – 370 дона, 4 м бўлганда – 325 дона темир бетон устун сарф бўлади. Рухланган 2,5 мм. қалинликдаги симдан 450-600 кг сарфланади.

**6. Кўчатларни симбағазларга боғлаб парвариш қилиш.** Янги экилган олма, нок боғларига темир бетон устунлар ҳамда сим тортилгач, қўчатларнинг новдалари симларга боғлаб чиқилади ҳамда келажакда новдалар ўсиб, ривожланиши учун парвариш ишлари олиб борилади.

**7. Ўғитлаш.** Ёш экилган қўчатлар яхши ривожланиб, ўсиши учун апрель ойининг иккинчи ярмида ҳар бир қўчат атрофига 100-120 г дан азотли ўғит солинади. Иккинчи марта июнь ойида шунча миқдорда яна азотли ўғит солинади.

Томчилатиб суғориш системаси мавжуд бўлган боғларда барча минерал озуқаларни сув орқали топчилатиб бериш мақсадга мувофиқдир. Бунда ўғитни ўзлаштириш самарадорлиги анча юқори бўлади.

Ёш пакана пайвандтагли боғлар орасига биринчи йили сабзавот, полиз, картошка экинлари экиш мумкин. Иккинчи йилдан ушбу экинлар экиш тавсия этилмайди. Чунки боғ қатор орасига ишлов берилиши сабабли экинлар экилмайди.

Биринчи йили ёш қўчатлар қишига яхши тайёрланиши боис сентябрь ойининг иккинчи ярмидан суғориш тавсия этилмайди.

Октябрь-ноябрь ойларида ёш ниҳоллар ораси ҳамда қўчатларнинг қатор ораси чопилиб, юмшатилади, бегона ўтлардан тозаланади. Тупроқда намлик яхши сақланади.

Кузда ноябрь ойида фосфорли ҳамда калий ўғит, яъни гектарига 90 кг, фосфор 45 кг калий ва 20 т органик ўғит солиниб чопилади.

Янги экилган интенсив боғлар иккинчи йилдан бошлаб ҳосилга киради, 4-5 йили тўлиқ ҳосил бера бошлайди.

**ФАРГОНА ВИЛОЯТИДА ЭКИШГА  
ТАВСИЯ ҚИЛИНГАН МЕВА НАВЛАРИ**

<b>№</b>	<b>Навларнинг номи</b>	<b>Экишга тавсия этилган вилоятлар</b>
<b>ОЛМА</b>		
1.	Тошкент боровинкаси	Ҳамма вилоятлар
2.	Голден Делишес	Ҳамма вилоятлар
3.	Делишес	Фарғона
4.	Джонатан	Ҳамма вилоятлар
5.	Камола	Ҳамма вилоятлар
6.	Қизил тарам олма	Ҳамма вилоятлар
7.	Гўзал	Ҳамма вилоятлар
8.	Мантет	Ҳамма вилоятлар
9.	Ойдин	Ҳамма вилоятлар
10.	Пармен зимний золотой	Фарғона
11.	Первенец Самарканда	Ҳамма вилоятлар
12.	Ренет Симиренко	Ҳамма вилоятлар
13.	Розмарин белый	Ҳамма вилоятлар
14.	Саратони	Ҳамма вилоятлар
15.	Фарангиз	Ҳамма вилоятлар
16.	Феруза	Ҳамма вилоятлар
17.	Ҳосилдор	Ҳамма вилоятлар
<b>НОК</b>		
1.	Вильямс	Ҳамма вилоятлар
2.	Зимняя нашваты 2	Фарғона
3.	Куляля 2	Фарғона
4.	Лесная Красавица	Ҳамма вилоятлар
5.	Любимица Клаппа	Ҳамма вилоятлар
6.	Оливье де Серр	Ҳамма вилоятлар
7.	Подарок	Ҳамма вилоятлар
8.	Рояль зимняя	Фарғона
9.	Сары Гузаль	Фарғона
10.	Салом 2	Фарғона
<b>БЕХИ</b>		
1.	Изобильная	Ҳамма вилоятлар
2.	Мушки бехи	Ҳамма вилоятлар
3.	Самаркандская крупноплодная	Ҳамма вилоятлар
4.	Отличница	Фарғона
<b>ОЛХЎРИ</b>		
1.	Бертон	Ҳамма вилоятлар
2.	Венгерка фиолетовая	Ҳамма вилоятлар
3.	Исполинская	Ҳамма вилоятлар
4.	Киргизская превосходная	Ҳамма вилоятлар

<b>№</b>	<b>Навларнинг номи</b>	<b>Экишга тавсия этилган вилоятлар</b>
5.	Чернослив Самарканский	Ҳамма вилоятлар
<b>ТОҒ ОЛЧА</b>		
1.	Комета	Фарғона
2.	Красавица	Фарғона
3.	Курортная	Ҳамма вилоятлар
4.	Малиновая	Ҳамма вилоятлар
5.	Майсара	Ҳамма вилоятлар
6.	Фиолетовая десертная	Ҳамма вилоятлар
<b>ОЛЧА</b>		
1.	Гриот остгеймский	Фарғона
2.	Любская 15	Фарғона
3.	Подбельская	Ҳамма вилоятлар
4.	Шпанка чёрная	Ҳамма вилоятлар
<b>ГИЛОС</b>		
1.	Валерий Чкалов	Ҳамма вилоятлар
2.	Дрогана жёлтая	Ҳамма вилоятлар
3.	Кара гелес	Ҳамма вилоятлар
4.	Клон Элтона	Ҳамма вилоятлар
5.	Космическая	Ҳамма вилоятлар
6.	Ревершон	Ҳамма вилоятлар
<b>ШАФТОЛИ</b>		
1.	Гартвис	Фарғона
2.	Гвардейский красавец	Фарғона
3.	Гульноз	Фарғона
4.	Джейсерланд	Фарғона
5.	Джон Хэйл 28	Бухоро
6.	Инжирный новый	Хоразмдан бошқа ҳамма вилоятлар
7.	Истиқбол	Фарғона
8.	Лола	Ҳамма вилоятлар
9.	Лючак ранний	Фарғона
10.	Мереттини жёлтый ранний	Фарғона
11.	Муяссар	Ҳамма вилоятлар
12.	Нектарин Ташкентский	Ҳамма вилоятлар
13.	Подарок Узбекистана	Ҳамма вилоятлар
14.	Старт	Ҳамма вилоятлар
15.	Учкун	Фарғона
16.	Фарход	Ҳамма вилоятлар
17.	Эльберта	Ҳамма вилоятлар
18.	Чимган	Фарғона
19.	Шарқ	Ҳамма вилоятлар
20.	Хилола	Фарғона

<b>№</b>	<b>Навларнинг номи</b>	<b>Экишга тавсия этилган вилоятлар</b>
<b>ЎРИК</b>		
1.	Ак Исфарак 5	Фарғона
2.	Арзами	Ҳамма вилоятлар, Андижон ва Тошкент вилоятларидан ташқари
3.	Бобо Раджаби	Ҳамма вилоятлар
4.	Вымпел	Фарғона
5.	Исфарак	Фарғона
6.	Комсомолец	Фарғона
7.	Кўрсадик	Фарғона
8.	Мароканд	Ҳамма вилоятлар
9.	Рухи Джуванон Миёна	Ҳамма вилоятлар
10.	Субҳони	Фарғона
11.	Юбилейный Навои	Фарғона
12.	Жубер Фулон	Фарғона
<b>АНОР</b>		
1.	Ачиқ-дона	Ҳамма вилоятлар
2.	Десертный	Ҳамма вилоятлар
3.	Казаке-ана	Ҳамма вилоятлар
<b>БОДОМ</b>		
1.	Бумажноскорлупый	Фарғона
2.	Зарина	Ҳамма вилоятлар
3.	Малика	Ҳамма вилоятлар
4.	Первенец	Фарғона
5.	Ялтинский	Фарғона
<b>ЁНГОҚ</b>		
1.	Тонкоскорлупый	Фарғона
2.	Юбилейный	Ҳамма вилоятлар
<b>ҚУЛУПНАЙ</b>		
1.	Зенга-Зенгана	Ҳамма вилоятлар
2.	Муто	Фарғона
3.	Ташкентская	Ҳамма вилоятлар
4.	Узбекистанская	Ҳамма вилоятлар
5.	Кульвер	Фарғона
6.	Ўзбекистон гўзали	Ҳамма вилоятлар
<b>ОЛТИНСИМОН ҚОРАҒАТ</b>		
1.	Ирода	Ҳамма вилоятлар
2.	Плотномясая	Ҳамма вилоятлар
3.	Рухшона	Ҳамма вилоятлар
4.	Узбекистанская крупно-плодная	Ҳамма вилоятлар
5.	Сиюма	Ҳамма вилоятлар
<b>АНЖИР</b>		
1.	Кадота	Ҳамма вилоятлар

<b>№</b>	<b>Навларнинг номи</b>	<b>Экишга тавсия этилган вилоятлар</b>
2.	Узбекский желтый	Ҳамма вилоятлар
<b>ЧИЛОН ЖИЙДА</b>		
1.	Та-ян-цзао	Ҳамма вилоятлар
2.	У-син-хун	Ҳамма вилоятлар
<b>ФУНДУК</b>		
1.	Далер	Ҳамма вилоятлар
2.	Ўзбекистон	Ҳамма вилоятлар

**ФАРГОНА ВИЛОЯТИДА ЭКИШГА ТАВСИЯ  
ҚИЛИНГАН УЗУМ НАВЛАРИ**

<b>№</b>	<b>Навларнинг номи</b>	<b>Экишга тавсия этилган вилоятлар</b>
<b>Кишмишбоп узум навлари</b>		
1.	Оқ кишмиш	Ҳамма вилоятлар
2.	Қора кишмиш	Ҳамма вилоятлар
3.	Сурхак китабский	Ҳамма вилоятлар
4.	Кишмиш Ботир	Ҳамма вилоятлар
5.	Кишмиш согдиана	Ҳамма вилоятлар
6.	Зарафшон кишмиши	Ҳамма вилоятлар
<b>Хўраки узум навлари</b>		
1.	Андижанский черный	Фарғона
2.	Гузаль Кара	Ҳамма вилоятлар
3.	Нимранг	Ҳамма вилоятлар
4.	Паркент	Ҳамма вилоятлар
5.	Парлет	Ҳамма вилоятлар
6.	Ризамат	Ҳамма вилоятлар
7.	Тайфи розовый	Ҳамма вилоятлар
8.	Қизил хурмони	Ҳамма вилоятлар
9.	Хусайне белый	Ҳамма вилоятлар
10.	Хусайне мускатный	Ҳамма вилоятлар
<b>Шароббоп узум навлари</b>		
1.	Баян-Ширей	Ҳамма вилоятлар
2.	Кульджинский	Фарғона
3.	Мускат венгерский	Ҳамма вилоятлар
4.	Мускат Узбекистанский	Фарғона
5.	Рислинг	Ҳамма вилоятлар
6.	Ркацители	Ҳамма вилоятлар
7.	Саперави	Ҳамма вилоятлар
8.	Рангдор	Ҳамма вилоятлар
9.	Мускат Орзу	Ҳамма вилоятлар
10.	Олтиндай	Ҳамма вилоятлар
11.	Нилуфар	Ҳамма вилоятлар
12.	Ранний Шредера	Ҳамма вилоятлар

## МУНДАРИЖА

№	Агротехник тадбирлар ўтказиш ойлари	бет
1.	Январь .....	5
2.	Февраль .....	6
3.	Март .....	13
4.	Апрель .....	16
5.	Май .....	18
6.	Июнь .....	20
7.	Июль .....	22
8.	Август .....	24
9.	Сентябрь .....	27
10.	Октябрь .....	29
11.	Ноябрь .....	30
12.	Декабрь .....	31
	<b>ИЛОВАЛАР .....</b>	<b>33</b>
	<i>1-илова. Республикаизда интенсив бөг барпо этиши ҳамда уларда амалга ошириладиган агротехник тадбирлар .....</i>	<i>34</i>
	<i>2-илова. Фарғона вилоятида экшига тавсия қилинган мева навлари .....</i>	<i>37</i>
	<i>3-илова. Фарғона вилоятида экшига тавсия қилинган узум навлари .....</i>	<i>40</i>